



針卷全集

和16
170
5



門八和10
號170
卷5

太史升菴全集十卷

成都楊慎著



從子東有仁錄

維揚陳大科校

新都周參元重刊

跋越絕

或問越絕不著作者姓名何也予曰姓名具在書

中覽者第不深考耳子不觀其絕篇之言乎曰以

去為姓得衣乃成厥名有米覆之以庚禹來東征



死葬其鄉不直自斥託類自明文屬辭定自于邦
賢以口為姓承之以天楚相屈原與之同名此以
隱語見其姓名也去其衣乃袁字也米覆以康乃
康字也禹葬之鄉則會稽也是乃會稽人袁康也
其曰不直自斥託類自明厥旨昭然欲後人知也
文屬辭定自於邦賢蓋所共著非康一人也以口
承天吳字也屈原同名平字也與康共著此書者
乃吳平也不然此言何為而設乎或曰二人何時
人也予曰東漢也何以知之曰東漢之末文人好

作隱語黃絹碑其著者也又孔融以漁父屈節水
潛匿方云云隱其姓名於離合詩魏伯陽以委時
去害與鬼為隣云云隱其姓名於參同契融與伯
陽俱漢末人故文字稍同則茲書之著為同時何
疑焉問者喜曰二子名微矣得子言乃今顯之誰
謂後世無子雲乎

越絕當作越組跋

越絕一書或以為子貢作又云子胥皆妄說也而
越絕二字尤非解者曰絕者絕也謂句踐時也內

能約已外能絕人故曰越絕又曰聖文絕於此辯
士絕於彼故曰越絕二說似夢魘譎語不止齊東
野人之類而已王充論衡按書篇云臨淮袁太伯
袁文術會稽吳君高豈即其人乎又曰吳君高作
越紐錄紐即絕字之誤書以紐名猶漢雋之例也
絕字曲迂不通而千年之誤無人證之袁康吳平
之姓名著在卷中無人知之蓋觀書者鹵莽閱未
數簡已欠伸思睡而束之高閣矣余始發其隱然
即其書以證其人以訂其名非臆說也博古君子

必印可而樂聞之乎

跋趙文敏公書巫山詞

巫山十二峯在楚蜀之交余嘗過之行舟迅疾不
及登覽近巫山王尹於峯端摹得趙松雪石刻小
詞十二首以樂府巫山一段雲按之可歌古傳記
稱帝之季女曰瑤姬精魂化草實為靈芝宋玉本
此以托諷後世詞人轉加緣飾重葩累藻不越此
意余獨愛袁崧之語謂秀峯疊嶂奇構異形林木
蕭森離離蔚蔚乃在霞氣之表仰矚俯睇不覺忘

返自所履歷未始有也山水有靈亦當警知已於
古矣尋此語意使人神遊八極而爽然自失於擘
花温瑩之外欲以袁意和趙詞以洗茲邱之黷未
暇也乃臨松雪墨妙一紙邀曹太狂作圖藏之行
笥為他日遊仙興端云

跋新刻水經

吳中新刻鄜道元水經規制裝潢甚精但誤字苦
多耳誤而相似魯魚帝虎猶可改也所恨為淺陋
妄庸者以意匠擅加筆削如立碑樹桓本桓楹之

焘音宰
楚人謂
子曰焘

桓今乃妄改為松柏之栢枉人山本名枉人已見
哀江南賦今乃改枉為杜弱年焘子焘子改切楚
人謂子曰焘今不知焘字妄改為弱年女子熒山
刊石妙在熒字今乃改熒為楚何異小兒語耶

跋李陽冰篆書謙卦爻辭

陽冰唐人以小篆著者也其書謙卦爻辭謙字二
十餘多構別體乃以諛代謙按說文諛多語也从
言冉聲地名有諛邯縣汝閭切謙敬也苦兼切音
義不同相去千里乃以充乏衡竒徒以此學人所

諛音髯
俗諛字
地名

字習是以欺人如此豈知千載而下為識者所勘
邪

跋韓石溪所藏九都圖

此圖為宋宣和院畫無疑卷首題云江山萬里圖
鱗尾題云米元暉筆皆眯目而道玄黃者也米氏
父子同一筆法皆崇簡易殊乏精工此圖樓臺城
郭浮圖水石綽有唐法恐非虎兒所能企也其云
江山萬里亦非也濱江安得有九都乎此蓋九都
賦圖張平子之西都東都南都左太冲之蜀都吳

都魏都及徐幹之齊都劉劭之趙都庾闡之揚都
也唐人以九都賦為一卷意必有圖以配之此或
其粉本之遺邪中丞南充韓公石溪藏此圖以示
慎故輒述所見以印可於大方之家云

跋吳中新刻世說

古書轉刻轉謬良可惋也近吳中刻世說新語右
軍清真妄改作清貴兼有諸人之差改作諸人之
羨聲鳴轉急改作聲氣轉急少有義學改作少有
學義皆失古人之意聊一道之蓋不能盡

跋趙東山春王正月辨三條

昔趙汭左傳補注辨周正改月之證引據既博分
析又明可為不刊之論定千古不決之疑獨恨其
書不傳故謹錄之然有一條未引今特著之按文
選所收古詩十九首非一人一時之作也其曰王
衡指孟冬衆星何歷歷白露沾野草時節忽復易
秋蟬鳴樹間玄鳥逝安適此詩文景之世所作也
按漢書高祖以十月至灞上仍以十月為歲首則
所謂孟冬乃建中之月也故有白露秋蟬之語蓋

秦不師古以建亥為歲首無謂之極漢制大抵襲
秦故首十月非係十月至灞上也秦之繆妄不足
言然因此可考周正改月之驗何也秦上承周秦
以建亥為歲首而謂之春故漢代仍之建申之月
謂之孟冬矣周人以子月為春從可知矣至漢武
帝始用夏正以寅月為首故其詩云孟冬寒氣至
朔風何慘慄此孟冬亥月也故有北風慘慄之語
武帝以後之詩可知詩可以觀詎不信夫

風人又

周人之改月無可疑者後世之疑者獨謂詩之幽
風用夏正及四月維夏六月徂暑致疑爾趙東山
謂詩乃歌謠又多言民事故或用夏正以便文通
俗是也然未盡事情也如今之制官府文書官職
稱當時之名而詩文中稱吏部為冢宰知府為太
守又地理之名稱四川為蜀陝西為秦此最明證
可知者故不厭博引傍喻也

又

唐儲光羲詩夏王紀冬令殷人乃正月此亦可證

蓋周人改月之說唐人不辨而自了然而或以為
改或以為不改起于宋人紛紛多議論之口耳

按趙子常之說本于資中黃楚望而加明晰
焉但其書今亦罕傳故具錄而跋識之非欲
勦說襲蹈也

跋劉南坦峴山圖

元端

蘭亭群賢少長咸集竹溪六逸賓旅無忘曷若香
山詩壇月泉吟社釋九愁而遣五噫具四美而并
二難地則秔稻交疇里寔桑榆蔭道春遊秋豫潮

往汐來山堂仍襲峴首叔子之名畫圖工摹天目
王孫之舊緬懷古昔繼在今斯僕猿鳥為儔魍魎
是禦臨文景仰問訊踟躕高步九州徒有子建凌
雲之想神交千里慙無長房縮地之能狼跋其胡
鶴頸長引矣

跋張愈光結交行

禹山張子愈光髮益短寸益長齒日衰詩日盛近
作結交行凡七百八十八字紀海內交遊名士著
升沉感今昔蓋高允同徵杜子美八哀之遺意也

又作六言三十首七言律八首寄予小子則又元
白蘇臺皮陸松陵之富有也而體裁高古則度越
之矣其他觸興口占又不可以更僕終或有工於
詆訶者曰是不亦多乎哉養生何以詩為也揚子
解之曰養生奚可廢詩也魏伯陽參同一編實建
安之先鞭陰長生自敘三詠乃風雅之後乘不知
昌虛中無論鍾離子養生奚可廢詩也或又曰為
政何以詩為揚子解之曰為政奚可廢詩也重華
作歌臯陶載賡神禹有訓五子爰述為政奚可廢

詩也或又曰聖學何以詩為楊子解之曰聖學奚可廢詩也孔子刪國風雅頌之詩立溫柔敦厚之教楚狂接輿而歌則欲與之言鮑龍跪石而吟則亟為之下學聖奚可廢詩也子誠有喙三尺予亦試訊一言也豈有騏仙人瘖道學聞有青錢學士矣未見黃馼少師也使伏獵弄麀比翼於鸞鳳是屠羊牧豕皆可為夔龍矣或者之語乃塞禺山之疑乃醒遂銘其座右曰詩哉明哉詩哉明哉予以此忘情以此養生以此為政奚其為為政以此學

騏
音因
瘖也

聖奚其學學聖

跋七姬帖

國朝真行書當以宋克為第一所書七姬帖文其冠絕也然其事則可疑七姬之死蓋出于潘之逼之謂不幸則可非狗節也平居則優雜子女而漁聚之一旦有變恐樂他人之少年而雉經之潘之惡甚矣宋之書人多珍之故其帖盛傳適以播潘惡耳末士風類如此上下荒淫載胥及溺欲不亡得乎余舊料其情若此近觀高季迪吊七姬多

麗詞云倩嫦娥呼天試問如何向人間生成尤物
等閑又把消磨揉群花亂飄塵土毀聯璧碎擲烟
波漫說無雙傾城曾數八人少箇六人多一般樣
細腰裊裊高髻峨峨奈干戈筵上艷曲翻做帳中
歌忍教受項纏素帛渾忘記臂結紅羅翠被都閑
玉鈿盡落魂遊應去馬嵬坡誰能發香囊解看怕
肉尚溫和堪腸斷空樓月落廢院春過其事情信
無疑矣吁可憐哉

跋自書小楷春興詩

目有玄花久不作小楷夏日寂居無事乃試一為
之李重光云壯歲書亦壯如嫖姚十八從軍擁千
騎凌沙漠目無全虜老來書亦老若孔明以白羽
麾軍不見風骨而毫素相適筆無全鋒信斯言也
若無白羽之能祇見皮裘入土空耳余此書將無
同耶書成不覺自笑

樊敏碑跋

漢碑多不著作碑文人姓名而此碑之末續書建
安十年三月上旬造石工劉武良鐫何也曰古人

以鐫石為一難事故書之以傳魏受禪碑書鍾繇鐫以一代貴臣文宗而親雕鐫之役古人之重文藻而必欲永其傳如此顏魯公書桓令家童鐫之李北海書碑多手自鐫其云元省已刻或云伏靈芝刻或云黃鶴仙刻皆北海自鐫也今之立碑草草而付之拙劣之書鐫者又非良工宜其貽庾子山驢鳴犬吠之訥矣

異魚圖楚貝跋

予作異魚圖注貧間出以示好事者或獻疑

爾雅

注蟲魚定非磊落人子不見韓子之詩乎子曰韓子有為言之也跡其焚膏繼晷之際口吟手披之餘遇蟲名魚字將刪之乎老子云美言不信而五千之言未嘗不美莊子欲絕學而莊子何嘗不學蘇子謂人生識字憂患始豈欲人盡不識字乎如此之類古人善戲謔自揶揄之一機也雖然不可以訓若孔子則豈其然教小子以學詩終於多識則蟲魚固在其中矣孔子豈非磊落人哉近之不悅學者徃徃拾古人善謔之言以為不肖護躬之

符可笑且悼充類其說則伏獵弄麈之侍郎長鎡
大劍之將軍一一皆磊落人也夫

太史升菴全集十一卷

成都楊慎著慎著

從子有仁錄

維揚陳大科校

新都周參元重刊

青城五隱贊

范公英英炎漢挺生韜華金德潛光玉恒讓王媿
美洗耳偕清漸遠鴻羽孚陰鶴鳴

右范長生

大授韜竒入林結茨鳳兮翹翹麟之儀儀年百廿
歲有嬰孺姿山癯淵槁奚可同之

岷山逸老藏用隱賢執范寂袂拍辟昌肩高吟弄
月長嘯揭天遺蹤何在白沙瓊田

右勾台符

白雲先生六詔不起乃如蒲芝聯德敵體益光同
曜柳妻遺誄有婦人焉五人而已

右張俞妻曰蒲芝

自贊

臨利不敢先人見義不敢後身諒無補於事業要
不負乎君親遭逢太平以處安邊歌詠擊壤以終
餘年天之顧畀厚矣篤矣吾之涯分止矣足矣困
而亨冲而盈寵為辱平為福者邪

昆明廨尹陞萬州守歌幃詞

瓊瑄南溟而稱竒甸銅符左篆天假德星既妙簡
於鴻恩宜特申於燕賀恭惟某官丹山瑞族赤水
名駒南嶽岫嶁之竒英北斗尚書之家世箕裘軒

吭與頡
同咽也

菟合有開人衣鉢文章克紹前烈難兄難弟麟儀
儀而鳳師師大馮小馮印纍纍而綬若若緬茲昆
明望邑寔惟滇雲具瞻牛鼎烹鷄置器固難於適
用蟻封試馬未久已見於非常宰號神明政成卓
異生明作肅百務不留治劇剗煩一訊如響扼武
夫之吭而奪之氣懾豪右之膽而服其心衆謂空
谷足音人擬中臺首召京洛雲山外方佇來儀軋
坤日夜浮暫勞坐鎮搏風以上春然瀟湘之故人
導海而南行矣澄清之岳牧慎殊方倚玉逆旅斷

金魯擊柝之聞邾幸通仁里楚餘波之及晉久庇
德隣琴羽未張鞞駢已駕何以報之青玉案庸儻
填詞我姑酌彼黃金壘聊申雅餞

昆明春水盈盈渡咫尺又銷魂路金馬碧鷄遺愛
處卧轍攀轅留綦解珮望望仙塵去○鵬海鯨波
天一柱統統鼓聲催欲曙金紫重來還肯許帝加
三錫民歌五袴早沛清時雨

亨衢陟明歌障詞

巫岫鍾靈巴月遙輝藻澤吳興媿媿滇雲迥化巔

洲岳牧詞人名流堪讚循良君子信史宜書恭惟
雲南大邦伯鶴峯柳先生神峯瑤峻學海珠澄夙
蜚擘花温瑩之聲早膺藻榜蘭臺之選雲端首郡
天徽名區襟帶禹同咽喉庸濮控南詔西垂之險
先東洱北勝之雄

帝謂殊藩人推與府官當方面任切股肱休民于
懷協留老蔚宗之聽東吏若濕笑成璿宗資之謹
鹿逐能以隨轡馬如羊而却廐清崇藥節威服卉
裳鈴閣晝閑地有春臺之樂鉅階星間家無在戶

鉅音項
如瓶

旬音菊
兩手捧
物曰旬
稍音消
山稍妖
精

凸音茂
高起也
凹於交
切音坳
地坳下
也又下
罕也

之虞旬茲雨塊風條兩岐興漁陽之詠猶被苗螟
葉蝨三秀繼宣房之歌政成不待三千歸猶就水
德流已匪一日速比置郵亨衢屆期陟明行覲蝸
髻鮫叟曷形容于舞之蹈之鳳驛蛟衢難挽留于
攀者送者假麗藻以展采揚馨芳于聲詩調歸朝
歡為祖道贈

秋盡汀洲蘋未歇掩映荻花相向折一枝好贈朝
天人還如鳩鵲樓前雪瓊凹連玉凸五城邊銀為
宮闕墀聲寒非烟叢裡卿藹瑞雲纈○五馬驕嘶

造切篇
去声
驚鳥音閉
驚鳥音侍
中冠之

虬漏徹鞘靜珮鳴鸛造列朱衣引隊奏彤幃天言
清問堯階切俞音傳衣驚賜金增秩千旄子把勳
名昭回青簡身許稷和契

賀薛曲泉撫臺旌獎帳詞

寇恂再借敷青陽百舍之春黃霸重臨沾靈河九
里之潤政首支郡績最中臺民瘁下蘇譽命上逮
恭惟某官政賜也達守夷之清治所臨而有聲課
每上而輒最處煩不擾在劇能剗勞以身先風行
草偃雷在天上雲行雨施消周雅之蘊蟲斥岑瑜

之泥鶴七戒三齋既禱千倉萬寶可期况才識疏
通兼政事練達佐郡而譽望洽者瀘而廢墜興上
上之考特旌元元之論允協慎也卜茲榆社實庇
崇陰徐孺子下榻於陳蕃既輝蓬華陸敬輿傾蓋
於姜輔實仰幘幪居邦事大夫之墮猥從鳧趨之
後原田聽輿人之頌敢為燕賀

青陽有脚喜五馬重臨江陽城郭南定雲開西岷
波靜簾捲風清幕早魁化為甘雨露禱不須泥鶴
兆萬寶詠千箱四野豐年如約○斟酌曾見說老

手劇郡利器無盤錯大吹花村魚遊春水桴鼓長
閒却佇聞考績薇垣復報薦名荷橐計晨夕鶯遷
燕賀金明紫渥

右調喜遷鶯

送薛曲泉之鎮雄勘夷手卷詞名治

澄清德水天開龍馬之湖洋溢恩波春滿魚鳧之
國在民崑而堪誦叶公論以無踰緬惟馬湖少邦
伯曲泉薛公淞水奇才鄆城甲族鈎河擿洛擬竹
箭之穎資騰茂蜚英呈天球之秘寶升從赤縣出

守朱方西陵有召父杜母之謠南已分九里八鴻
之潤自公覆露蒞茲江陽在昔歌廉薄言觀暮月
之仁政于今借寇奚必分刺史之真符北山賢勞
欲息踊躍用兵之策東臺板命須仗填寬迥駕之
行昂昂千里駒笑鄙夫畏首畏尾蔚蔚九變豹俾
小人革面革心惠我無私式遄其歸是祝贈公不
拜未占有孚則然聊申蚓竅下里之歌用代驪駒
在門之什

借寇歌
庶春有脚皂蓋朱轡輝映江陽郭一嘯清

泉斟且酌候人無事閒鈴閣○瘴域嵐方勞鎖鑰
靜柝沉鋒虎兇成鸞鶴風颭歸旌詩滿橐休遲竹
馬兒童約

右調鳳棲梧

孝烈婦唐貴梅傳

烈婦姓唐氏名貴梅池州貴池人也笄年適朱姓
夫貧且弱有老姑悍且淫少與徽州一富商有私
宏治中富商復至池一見婦悅之自拊心曰吾無
頭風何以老嫗虛拘哉乃密以金帛賂其姑姑利

其有誨婦淫者以百端弗聽迫之弗聽加以箠楚
弗聽繼以炮烙體無完膚終不聽乃以不孝訟于
官通判慈谿毛玉亦受商之賂倍加官刑幾死者
數商猶慕其色冀其改節復令姑保出之親黨咸
勸其吐實婦曰若然全吾名而污吾姑非孝也乃
夕易袿襦雉經於後園古梅樹下及旦姑不知之
也將入其室挺之手持桑杖且罵且行曰惡奴早
從我言又得金帛且享權樂今定何如而自苦乎
入室無見尋之至樹下乃知其死姑大慟哭之親

仔音規
婦人長
帶也
獨音孰
長襦連
腰衣也

黨咻之曰生既以不孝訟之死乃稱姬心何哭之
 慟姑曰婦在吾猶有望婦死商人必倒臧吾哭金
 帛不哭此惡奴也尸懸於樹三日顏如生樵夫牧
 兒咸為墮淚每歲梅月之下隱隱見其形冉冉而
 沒有司以礙于府官之故終不舉余舅氏喻士積
 薄遊至池州稔聞其事作詩吊之歸屬慎為傳其
 事嗚呼婦生不辰遭此悍姑生以梅為名死于梅
 之株冰操霜清梅乎何殊既孝且烈汗青宜書有
 司失職咄哉可吁乃為作傳以附露筋碑之跗

涓音付
足背也

倉庚傳

梁武帝代齊籙居齊宮後庭稚齒在潘余之亞者
 損之又損尚溢乎百數却后心妒焉帝閒居一日
 覽大荒經云倉庚食之令人不妬遂下令虞人收
 捕此鳥絡野籠山佛首爭獻者盈軒墀乃勅中庖
 以為宮膳旦旦不繼他肉后與帝食而甘之帝心
 冀其術之速驗試問后曰此餘甘可以分諸夫人
 乎后即輟箸不食帝曰荒經曷予欺乎其諸食力
 尚淺耶將盡脯其餘倉庚中有老而慧者鼓颺作

却與陳
同
妒音害
奇害也
又心不
平也

飛與破
同音世
冀也

人語而稱曰余西裔之羽臣也余祖遠事庖羲氏
庖羲氏之佐有鳥鳴者主建福是釐百羽命余祖
曰而仁鳥也其司春候繇茲以還奕世載育及周
文王邑於岐山西申有鳳鳥者覽其德而下之羣
鳥皆往從之萃於岐下維時風翔者露翦者雨舞
者霜凜者朝嘲者夜咳者以萬計復有巴人之比
翼蜀山之文翰方人之孔鳥善芳不昧翡翠華首
咸集宮樹王及後宮不之奇也而余族獨著彤管
馬其詩曰維葉萋萋黃鳥于飛為其有助於德象

也二號髻戲引弓飛土而逐之后曰非所以養童
心也戒勿彈周公白文王命羅氏境內特賞不捕
鳥今帝不欲為文王則已欲為文王盍赦微軀帝
曰尔曷知周文王試為我言文王后妃之德何如
庖乃喜而躍曰鷺知之鷺知之匪后妃之德實文
王之烈日者天之明月者地之紀夫為妻綱象日
明使婦從夫放月紀日載魄於西由媵以升嫡月
載魄於東由嫡以逮媵帝笑曰禮失乃求諸鳥乎
為我說之庖引脰曰鷺何知鷺何知月之朝也君

鷺與鸛
同音離

以視朔不近內焉后亦辟焉月始魄左媵六人迭御三夕象微陰也月成魄右媵六人迭御三夕象漸陰也月成弦三夕而世婦迭御焉月成采三夕而御妻迭御焉月之幾望后當一夕陰將盈也月之端望后當一夕陰極盈也月之后望后當一夕陰不終盈也自是三夕仍降而御妻三夕薦降而世婦三夕還降而左媵三夕復降而右媵及月之夕也君以掩身不近內焉后亦辟焉象月以進象月以退授銀環告進也正金環告退也施玄的告

鮪音秋
泥鮪又
凌籍也
荀子鮪
之以刑

辟也鳴佩玉告節也由媵以升嫡本微而著盛由嫡以逮媵自盛以下微勿使陰厭陽勿使柔乘剛嗣續以昌壽命以長此陰禮教六宮而頌聲洋溢萬方也又公此制于天下諸侯有副宮大夫有側室士有妾當夕侍夜倣是為節當此時豈伊無險陂王制鮪之妬亦何能為周制之蕪久矣而欲委罪於微禽變性於纖羽不亦異乎且荒經之誕非神農之述也帝而信之是不知也沉昵之專非周文之制也帝而行之是不仁也負此二愆不可以君

瘦古棟
字
慙音淹
妄也

羽族而况君江東乎帝聞唐言慙然側席却后聞
之慙然無色乃命寫其言于斧扆行其制于永巷
却后幡然更為逮下之行唐之力也帝喜曰徒信
古陳編不如唐言乃放之不殺封為金陵郡公
唐世有號金衣公子者即其後也

樂相辭有序

楚衡余氏尚賓給諫別號樂湘子通顯矣
湘之樂弗忘也乃引痾寧歸其友人楊慎
儼楚聲招之

徎音姚
役也

楓林遙裔兮湘之流蒙籠鬱葱兮靈源幽浦激招
徎兮道逶迤清冷淥淨兮波淪漪文鯨起兮翔鷗
浮眇眇楓林兮且遨遊美人樂兮無期芳杜生兮
猗猗遲莫兮不自獻甘淵滿兮泔泔蕩兮滴水環
屈臨瀕洞兮選洄洑紆兮鬱思兮淑蛟螭窟鼓枯
查兮誰和曲西交夏浦兮東顧濡瀕吞陽吐陰兮
涵霄浴虛陽候是宅兮川后攸都飄風為信兮零
雨為驅玄景霏霏兮翳翳冽冽兮淒淒依鳧兮狎
鷗回汀兮隱洲眇眇楓林兮且遨遊鶴舫唳兮援

木升卷
二卷
侶嗥回鴈鳴兮慕其儔美人兮歸來湘中兮不可
以久遊

無悶篇有序

余也疾疢悶困之日久矣吊影獨坐有冰
壺承子來自成都惠然過我鳳嬉亭上清
談相對積日彌旬又見鶴池方池草池三
余之名藻欣若誦之不知沉痾之去體也
遂作無悶篇以贈承子云

易積而難撥者惟悶而已矣况孤臣之謫九年懿
親之隔千里始心折而骨驚漸形茹而神縈商
玄壺遲遲華畧夢糾魄而升魂寤撫膺而鳴指梁
高孫原境窮濮鉛地則邢龍分浦水則罔象交川
酒旗之星有衣篋篋之天無椽樹交紆兮嵐靄峰
合齡兮瘴烟二豎不逢九嬰相纏消渴非長卿之
病寂寞異子雲之玄折楊咲兮逝其遠散花念兮
久矣捐晉賢空悲蒲柳質鮑令徒傷松柏篇悶有
結兮誰斷悶有塵兮難澣坐囚山兮鎖愁城違樂
郊兮去驩館智者不我顧室邇而迹遐佳人不在

篋音空
樂器
篋音候

茲庭虛兮情滿若有人兮號冰壺四斑麟兮乘青
鳧手携玄峰之綠帙來自芙蓉之錦都搗十洲之
瓊藻聯三池之璿趺宵問岑兮叩宋同折芟兮焚
枯金為膏兮玉為醴霞為漿兮雪為腴是日也震
滌九陽零襄四嶂出蕭森臨昭曠翼竹颺披柳浪
沉痾既失幽悄亦暢冰壺子起而為留仙之吟曰
有矯者龍兮鸞鶴蜚蜚子有成言兮今我無違升
彼珥之碣聊與子忘機無庸歸兮余乃應之曰於
菟三無愠潛龍兩無悶哉卿良箴余心有開子文

子淵伊何人哉

思美人二章寄夏舜俞

渺淮海兮維揚思美人兮增傷鵬何為兮去息龍
何為兮潛藏松有心兮不改蘭無人兮彌芳秉中
情兮欲寄非柔翰兮能將

又

渺淮海兮揚州思美人兮增愁蟄魚龍兮日夜帶
鴻鴈兮春秋阻波濤兮浩浩望牛斗兮悠悠我所
思兮悵悵君胡為兮淹留

思行計財天降古劍留
 無風古春妹野如雲古詩古盟牛牛古歌歌妹既
 烟斯或古詩此思美人古飲然贊魚請古日交靈
 詩古好春非系餘古拾珠
 西陽古箭燕林亦以古木如蘭無人古醉
 烟斯或古詩思美人古曾遊湖何古古古古
 行詩思美人二章答復魏俞師古余乃應之曰於
 平陽中何人卷兩無

太史升菴全集十二卷

成都楊慎著

從子水有仁錄

維揚陳大科校

新都周參元重刊

古樂府

沅江曲

綠蘿山谿午煙開野販山樵競往回疊浪高潭渾
 不畏舸艚船上唱歌來

碧天霜冷月明多平澧風交湘水波
夜夜楓林驚客棹村村銅鼓和蠻歌

羅甸曲七首貴州道中

百里馳驅倦三更夢魂歸不辭
晝夜苦但使逢春

暉

其二

山圍羅甸國水繞的澄橋
橋下東流水可惜無蘭橈

其三

寒燈闕孤館陰雲鎖重城
長夜恒思曉久雨恒思晴

其四

登山千尋梯下阪九仞井
雨潤衣珠融風吹鬢毛冷

其五

蠻樹不凋葉蠻雲不放晴
長亭望不見何處是渣城

其六

林間山胡鳥聲聲啼我前何似故園裏花亭聞杜鵑

關嶺曲四首貴州

倦枕愁鷄鳴問郎今日程中路不可宿長途須早行

其二

北登鷄公背南望象鼻屹相逢試相問往來定誰難

其三

關索嶺四十三盤高前有安龍菁行人莫辭勞

其四

老鴉關仰樹間靈卜西去何當還

蜻蛉謠

蜻蛉美姜公也公未蒞止西郊不聞平息
車馬而目之乃知美非溢也
車馬而目之乃知美非溢也

蜻蛉川砥碌野缺菁窮崖飛鳥不下難結成群行
白日腥風灑繫我髦牛驅笮馬金鷄廟前無行者

存索

楊升菴 卷二 四
常苦寒有客過我門勸我強加餐春陽正發育覆
載本自寬窮途謝好音白意于青翰

蒙鳩篇

辭家鄉去親愛遠從軍萬里外日暮曠野霜風凍
我有夫行惻營巢寄所蒙鳩語老鷓摘巢抨去之
老鷓言此鳥是鳳凰抨之恐不祥但可嚇去之不
令在我傍凰止鳳飛羽毛摧頽五里一返顧十里
一徘徊山川嵯峨欽岑隱阿且飲晨露殮朝霞禍
市門福無常家咄嗟呼傷哉謂之何

青蛉行二首寄內

青蛉絕塞怨離居金鴈橋頭幾歲除易求海上瓊
枝樹難得閨中錦字書

燕子伯勞相對眠牽牛織女別經年珊瑚寶樹生
海底明星白石在天邊

張云予點升菴詩不喜其深邃而喜其朗爽也

遙夜吟

遙夜吟懷禹山也會阻乎期情見乎辭
明發葉榆城暝逗蘭津渡超忽類飛翰往來如織
路僕痛馬亦黃簪短帶復長天高行誰問日暮坐

恬古活切音括

自傷鴻飛畏逢羅虎飢正出柳寒流泚玄冠涼風
吹白恰子有負俗累予乃投荒人睽形而比影異
習仍同塵晤言能幾朝契濶還疊夕浪跡苦難并
嘉會良易擲翻憶在滇海翻思在連然耀歌花館
醉清梵雲房眠丹熒耿遙夜烏白恬五曉相望不
可晨咫尺限雲杪

舞姬脫鞋歌題畫

潘妃睡起冷金沙弓鞋半脫雙鸞斜越羅襪襯齊
紉素彩霞搖裔香少早路金蕖白日娥芝田洛

輓切然上赤柔也帶音替也困也盤音盤屈足也淵相閑切音嫺

浦淩微波曳霜回雪下平地琉璃滑澤春雲膩花
鬆玉輓嬌無力天公一笑生春色寶蘭困倚端盤
跚小玉雙成扶不得起來翹翠踏芳塵粧臺搦鏡
重梳勻人間絕世誰相并月鈞下闌緗鉤新

南中晚寒曲

南中異節候北陸戒裘鑪夜凍玉樸遼朝寒金畢
逋可念無衣客誰徵褰與襦

龍編行答禹山

北極軍書一羽過南交氛浸九真多金潏銅柱天

歎切噴
平吉吹
氣也吐
也澀也
陀音駝
波陀不
平也又
沙陀夷
姓

甌音漢
無底甌
也

王地象渚龍編瘴海波渭曲也田愁葛亮關中餽
餉急蕭何嵐開比景鳶低水風度鳴沙馬歎陀自
許將軍回白日誰憑壯士挽銀河騰峯浴鐵朝乘
障下瀨樓船夜戢戈翡翠越裳近消息麒麟漢閣
遠嵯峨婆婆橫吹驚楊柳曄曄商聲響薜蘿隱豹
文韜須霧澤荒鷄舞困且漁簞欣聞幕府收才彥
佇立衡門聽凱歌瘴海一作精衛
秣馬出滇西青金護鑿蹄朝驟過歸鴈夕駕軼昆

鷄蹠雪工升甌陵雲欲舞梯流星迸石齒訝道火
龍飛

葵鏡吟贈右溪

花卉中有唐婆鏡者一名羞天花一名倒
垂蓮本草所謂鬼臼也其花背日與蜀葵
正相反曾聞其名今始見之托諸聲詩以
寄同慨

蜀葵與唐鏡同節復爭鮮蜀葵終向日唐鏡每羞
天卉木異情性造化均陶甄安得指佞草重植堯

堦前

烟丸歌贈製墨毛道士羽周

鷄足烟丸古松心龍眠惜之如惜金玄霜遙分玉

兔窟碧髓近挺青吟岑茅犀截角光自照栢麝却

臍香太侵鴻崖羽人故多幻鶴馭明朝那可尋莫

辭為我浣霞襟蘓易簡云鷄足山古松心製墨絕佳碧髓青吟岑見江淹賦

征人早行圖

杜鵑花下杜鵑啼烏曰樹頭烏白栖不待鳴鷄度

關去夢中征馬尚聞嘶

泥於卷 切淵上 物也 著

後緩聲歌

澤藏之山必有陸沉之波物或反其常君將柰之

何雌驍難為雄斧小不勝柯心之憂矣歌且訛復

思入淮之爵必有飛海之鯨披枝且害心繁實多

隕條吐珠誰不貪曼睽能無招心之憂矣歌且誼

羅甸吟

苜蘭方號鬼貴竹甸名羅午潏枉稱海駿坂猶題

坡林餘楚篳輅棧識漢牂柯久戎勞行惻天高柰

若何

曼睽 魂蛾眉 宋玉招 謹視貌 睽音六

楊升菴

卷二

柳音柳
永貌

笠澤寺三解為潘參藩父壽

蜀城東望笠澤雲輪困搖曳青氤氳萬里從龍持
獻君將獻君先過里攢鳳笙歌燕喜

五津東下仙舟輕三泖涼波秋水平景丁南極中
宵明中宵明玄景煥展國容拜家宴

鶯湖小雪梅照天鱸羹尊鼓酒如泉錦袍起舞白
華篇白華篇丹桂曲祝千齡綏百祿

鶯郎行
此澤鶯郎啞鷓鴣驚飛鶯鴛逐鴨鵝翠袖啼春幽

鳳奩紅絲穿露空鸞桺碧眼亂馳鵝三五紅
顏片時老今日盈盈滇海花明且蕭蕭陸涼草

青海引
長白山前呼黑風桔槔火照甘泉紅五千貂錦血

邊草單于夜帳移湟中華林酒艷長庚醉沉香春
濃海棠睡金馬門如萬里遙那知青海城頭事

田家喜晴謔
玉女投壺玉皇側海童拖霖海天黑風花閃日日

笑雲俗以雲氣斑駁謂之風花○俗諺以雨乍落乍
復駛蒸雲散亂作風花

揚升卷

十三卷

九

止日光穿漏謂之天笑雲氣烘為雀頭色須臾變作樓梯天

黃綿襖出晒破磚諺云樓梯天晒破磚又田叟冬晴見日喜曰天上黃綿襖子出

茅簷夜望黎星沒蘆絮飛殘水生骨諺云黎星沒水生骨

明月篇

桂樹生銀漢菱花掛玉臺山明姑射雪川靜海童

埃此戶燭龍蟄南枝烏鵲來清光殊窈窕流影自

徘徊櫻上盈盈女樽前灑灑杯孤桐不須薦錦瑟

正相催夫今日益益真與此即且蕭蕭到草

古怨

游樹正丰茸清防深幾重金星長樂漏壁月景陽

鍾掃粉趙飛燕捲衣秦祖龍粧成獨不見傾國為

誰容

東風補鼻魚風木吟為黃月坡政使賦

晨風搖搖有鳥朝嘲不息終朝予心孔勞

夕風習習有鳥夜咳不息終夕予心孔棘

樹欲靜兮風則起矣予欲養兮親則已矣

枯魚銜索兮蠹何泣矣養之不逮兮祭何及矣

楚竹吟隱括東方朔七諫語

楊升菴 卷一

便娟之脩竹寄生乎江潭針叶夷切葳蕤上防露冷冷
下來風金叶乎切那知竹與栢虛塞兩異心蓬矢射犀
草篔落委荒林夏首西浮遠洛陽南望深大招自
抽怨小歌徒悲吟天高何難問斯情匪斯今

東風春正韶南浦美人嬌下蔡君休問上官誰敢

邀折花斜寶珥映水正金翹娉婷惜未嫁應待逐

文簫蘇軾詩深澗林水春時暗綠如醉不長耐因遠

湖艷曲曹初詩芳重金星共樂歲整良景期

素足踏金沙波搖半臂霞東風湖灩好疑是孟珠
家

江艷曲

交甫江臯見劉晨洞裡逢可憐裾踏鴈不用髻盤
龍

思遠道

章丹請輟舞秦青且罷歌佳人上官出儷婺復傾
娥夜月光如練春江紋似羅所思在遠道朱顏誰
為配

楊升菴

卷一

十一

竹浪詞七首為劉珥江賦

新結茅齋近少城清流映帶更多情幽懷似怪王
維少柳浪何如竹浪清

青嵐帚掃紫筠烟垂露珠零綠粉天最美郎能
縮地箕箒谷在錦江邊

一部清商竹嘯風三霄碧霧舞晴空披襟已在珠
宮上宋玉蘭臺賦漫雄

錦籜花棚護笋根龍孫蛇祖啟風門對青好續涪
翁賦滴露研朱掛月村

衆竅為噓萬竅號調調未定見刀刀畫風雄筆君
須繼北海南溟捲紫臺

鸞暮籠烟還漏月鳳晨防露更來風寬閑不似城
中地水碧金膏五百方

一節為船碧海通十洲三島訪仙翁乘風破浪非
難事好在垂天萬里蓬

太史升菴全集十二卷

楊子華

太史升菴全集十三卷

成都楊慎著

從子

維揚陳大科校

新都周參元重刊

蘇古樂府

海估行二首

海估帆乘錦浪飛
綉宮夜取萬珠璣
翮身驚起蛟龍
睡血汚清泠竟不歸

楊子華

十三卷

偃月堂空罷舞塵靖安坊冷怨佳人芙蓉蓮子隨
他去不及當年石季倫

吳楚行

神女巫山上西施越網中朝雲迷楚國夕露滿吳
宮舞榭青楓樹歌臺綠蕙葳伍員魂已斷宋玉賦
休工

涉江采芙蓉

沉沉秋江水灼灼芙蓉花葉葉凌清霜枝枝明朝
霞娟娟東隣子采采惜芳華昔時贈同心今日悲

天涯欲寄苦無因向風長歎嗟

代古日出行

晨登石巒望浮雲何相羊飄風自東來若木迴其
光景曜薄萬里下界猶蒼涼層崖自鬱鬱芳蔭含
春霜草虫一何微感物鳴其旁天池有黃鵠一舉
知園方

靈菊篇效陸平原

靈菊植幽崖擢穎凌寒飈春露不染色秋霜不改
條三泉漱玄根九陽晞素苗衡星散光晶香氣何

飄飄東林生玉樹西畹生蘭翹懿此歲徂茂感彼
芸黃凋采為仙人食千載通一朝金童酌霞醴神
女彈雲璈顧視西王母翠髮如陵茗

方云真選體

雙燕曲

有鳥名飛燕雄雌自相將飲君玉池水巢君文杏
梁美人當軒坐恐浣羅衣裳謂君駟除之君怜不
忍傷雛生八九子嬌愛比鳳皇鳴聲何啾啾聞我
庭東廂習飛還不遠墮陸雙扉旁主人戒廬兒毛
羽無摧戕不啄五株桃不噉五畝梁秋風從西起

運與嚼
同作答
切替入
声

翩翩向南翔昔為黃口兒今為烏衣郎辭巢謝主
人華屋恩難忘願主壽千歲歲歲巢君堂

方云有風有體

扶南曲五首

春人辭曲房羅綺雜花香遠思河邊草柔情陌上
桑歸來庭下路羞見紫鴛鴦

愁窺綠綺琴絃澁不成音鏡裏春春貌窻前夜夜
心臨印人去遠離夢繞花陰
清歌發皓齒良夜足歡娛誓好同心結迎祥百子
圖千金當一刻城上莫啼鳥

遊賞上春時
踟望所思
花嬌初學
臉柳淺未成
眉問訊溝頭
水微波可致
辭

淇上輕盈侶
巫陽縹緲仙
晚歸因闕草
春困為秋
千羅帳含雙
笑燈昏尚未
眠

金蓮作杆瓊
瑰砧蛟龍艷
錦鴛鴦衾并
刀未剪燕

霜落何日征
衣到沙漠
書漏迢迢春
艷艷草如柔
蜀花如焰白
日紅窻恨

轉多箇儂無
計柰春何
汝南鳴鷄烏
白鳥強顏饒
舌催天曉殘
粧相送淚

蜀音記
織毛為

闌千月帳雲
屏生曉寒
月華二八星
三五丁丁漏
水嚦嚦鼓相
思相憶阻

河橋可憐人
度可憐宵
宛轉羅衣不
襞宮黃淺愁
聽更漏轉分
明統統櫻

宛轉歌

明河拂幌月
栖簷鷺鳥號
林螢入簾美
人遙夜歌

頭五鼓聲
梁白紵舞歌
二首

襞音碧
襞指疊
衣也

鐙音登
定中置
燭謂之
鐙

仙人六着帝臺棋高張洞越吹參差二八逼代三
商移含嬌吝彩閔容儀流雲不度華星遲鑪火九
微鐙九枝騰觚飛爵朱顏怡傳空引滿客忘疲滿
堂不語心相知

又

英英白紵雪色光機杼出自寒女房裁作舞衣雙
袖長吳娃魏紫自相將宛轉顧步雙鴛鴦儼若星
月舒其芒髮如結旌體如翔秋葯被風蘭裊香回
身再拜捧瑤觴千秋萬歲侍君王

方云雖使沈約
後生亦當心服

桂湖曲送胡孝思

君來桂湖上湖水生清風清風如君懷灑然秋期
同君去桂湖上湖水映明月明月如懷君悵然何
時輟湖風向客清湖月照人明別離俱有憶風月
重含情含情重含情攀留桂枝樹珍重一枝才留
連千里句明年桂花開君在雨花臺隴禽傳語去
江鯉寄書來

方云
沉麗

大堤曲

大堤二三月垂楊千萬把上枝堪藏鴉下根堪繫

馬藏鴉繫馬晚櫻邊沉水香焚清酒傳紅霞宛宛
 歌聲外漢水團團明鏡前夜飲朝眠歡不足秋去
 春來芳草綠只知郎索盡黃金不道妾顏銷白玉
 江有方洲岫有沙牙檣絲纜各天涯釵橫花困蘼
 殘夢不信行人不憶家

冬晴三首

冬晴連月歲欲闌北屋修影迴南巒行人喜舞農
 人歡負耒杖策各自返過涉不愁溪水寒

又

岸梅春動江不波玉顏粲粲回錢柯橘洲霜晚繁
 香多吁嗟二物堪贈遠如此萬里關山河

又

岷山白日多光輝清江激霧雪霰稀魚龍不蟄鴻
 鴈飛塞上將軍未解甲城南思婦夜縫衣

阻風曲罐子磯作三首

峭石驚磯橫浦口朔風半夜蛟龍吼一枕波濤萬
 里心江水客愁誰淺深
 行人夜唱江南曲巴歛楚步遙相續聲聲怨暝復

楊子春
十一卷
愁更訴盡離情天未明
帝猿峽口江流遠
田鴈峯前沙磧晚
水驛梅花開
未開緘情千里寄陽臺

幡幡中林葉別內兄黃峻卿

幡幡中林葉迢迢語離別
王溪云宛轉有風致離別不可親
相思隔南津南津首北路
莽莽入烟霧夙昔欣芝
蘭病體成歡顏只戀携手好
豈知行路難前有一
樽酒絃歌清商曲
行子唱驪駒主人彈別鵠
別鵠影悠悠寄音下西州
一言展契闊再言申綢繆
王溪

云情到興到古意古體

垂柳篇

楚雄苴力橋有垂柳一株
婉的可愛往來
過之賦此志感

靈和殿前艷陽時
忘憂館裏光風吹
千門萬戶旌旗色
九陌三條雨露姿
蒼涼苑日籠燕甸
縹渺宮雲覆京縣
芳樹重重歸院迷
飄花點點臨池見
臨池見臨池歸院總
仙曹應制分題競
彩毫詔乘西第將軍
馬詩奪東方學士袍
金明綠暗留烟霧
舊燕新鶯

換朝暮只知眉黛為君顰肯信腰肢有人妬從此
沉淪萬里身可憐憔悴四經春支離散木其時棄
攀折荒亭委路塵搖落秋空上林遠婆娑生意華
年晚賜斷關山明月櫻一聳橫笛清霜坂

江千行答禹山

吳娃江干采芙蓉陳王洛浦賦遊龍忽驚繡帶香
風起漸覺羅裳珠露濃不緣織女星邊見定是嫦
娥月下逢逢君薦枕對襄王別君解珮悲交甫青
雲窈窕曼聲歌綠水迴環垂手舞鸞歌鳳舞無雙

人燕歲鶯年二八春百末蘭生延夕漏九華采燿
爛晴晝金屏花裡活秦宮寶帳香中隱韓壽迴黃
轉紫返復間得新拍舊須更後舊人顏色昔曾新
新人恩愛行當舊舊人紅袖泣前魚新人翠羽綴
燕裾阿嬌怨賦金難買蘇蕙迴文錦不如濁水清
塵坐長歎空留可伶誰相於

華燭引

華亭席上酒闌樂闋禹山張子愈光誦梁
人燭賦碧玉舞罷羅裳單之句歎其謔絕

於音
詞

而惜其非賦體也抽毫襞紙屬予增損其辭以為華燭引

六璃稱駕眠虞淵三爵行栖珠樹烟雲母疏窻花
作地茱萸繡帳錦為天銅芝抱蒂復纏柯金藕相
縈共吐荷紅貫彩翬迎雨歇蜜催香焰送風過桂
華漏促頻銷麝蘭燼天寒不畏蛾徐吾東壁機絲
少郢相南方書誤多菖蒲傳酒座欲闌碧玉舞罷
羅裳單留雲影射荆王枕泣露光槎漢帝盤攬帶
盈盈君不見脫纓脉脉兩相看

又別擬製一篇

紫霞西沒白日陰蘭膏明燭洞房深蛾飛迥向蓮
臺度螢燭平臨桂炷沉鶴露鴈霜驚早寒寸心斗
酒奉君歡火齊蟠烟全的樂銅荷垂燼半闌干座
中碧玉好名倡清臚曼睩爛齊光燭花剪作雙胡
蝶蠟淚融成兩鳳皇便面障眉掃蛾綠搔頭墜鬢
渲鴉黃綺結交窻窻拂曙金鉅銷香香滿絮星翻
漢回柰若何顧影徘徊送君去

六朝初唐之作絕響久矣往年吾友何仲

默嘗云三百篇首睢鳩六義首乎風唐初
四子音節徃徃可歌而病子美缺風人之
義蓋名言也故作明月流螢諸篇擬之然
微有累句未能醇肖也升菴太史公增損
梁簡文華燭引一篇又別擬作一篇此二
篇者幽情發乎藻繪天機盪于靈聰宛焉
永明大同之聲調不雜垂拱景雲以後之
語言外史小子含緩讀七八過飄飄然有
凌雲之思灑然獨醒不覺骨戛青玉身坐
紫府也噫吾與古人交久矣吾與仙人遊
久矣安得起仲默于九原而共賞之耶張
含跋

太史升菴全集十三卷終

太史升菴全集十三卷

全解大同之錄

卷之四 詩

卷之五 詩

太史升菴全集十四卷

成都楊慎著

從子 有仁錄

維揚陳大科校

新都周參元重刊

古樂府

關山月

迢迢賤妾隔湘川
杳杳征人戍朔邊
分弓營對珠
龜缺掛鏡臺
臨王兔圓紫
塞風烟白
登接黃河波

易

古卷

浪黑山連何時空外嬋娟影來照樓前歌舞筵淮南

子蚌蛤珠龜
與月盛衰

足唐人句效古塞下曲

長榆塞上接龜沙碎葉城邊建虎牙夜夜月為青
塚鏡年年雪作黑山花蘇武白頭持漢節文姬紅
淚泣胡笳可憐首霜迷征馬誰見蒲桃入內家

燕歌行東程以道

玄羗白狄起邊埃翠眊朱綬選將才玉弩驚天連
馬邑金精埽且過龍堆甘泉宮裏堯零舉竦勒城

邊汲綆摧射虎暝中聞暗吼落鵬雲外墜清哀五
千深入衝寒雪十萬橫行殷霹靂楊柳先春旗葉
展芙蓉不夜劍花開錦車持節夫人至貝帶弋
驕子迴逐北朝移行幕府降秋秋上古輪臺青樓
月對庚方出紫塞風從丑角來擬縛名王歌杖杜
肯思中婦詠條枚

新曲古意

凌波洛浦遇陳王躡步邯鄲綴舞行鸞尾鳳頭爭
嫵婉麝臍龍腦聞芬芳巫陽臺上春先到漢月樓

休洗紅紅顏薄命恨難窮蛾眉傾國誰家女十五
纖腰媒未通金屋盈盈嬌白日錦窻的的玩春風
戎馬一朝生冀北黃巾萬騎滿山東金繒賤棄如
泥土絕色爭擒獻鎗鋒火燒野田飛豎鴨雲暎東
方生鰓竦飄零自身如葉憔悴誰甘首似蓬當
時不識門前路今日能驪馬上弓婦女何能堅節
操丈夫本自不英雄

古艷曲 二首

皎皎復盈盈傾國更傾城珊瑚絲結網茗華玉篆

名宮女多相妬非關君薄情

珊瑚網西施事出吳越春秋逸篇見劉克

李義山詩註夏后氏二美女茗華刺名
琬琰玉茗是琬華是琰見汲冢瑣語

掩鬢來王塞顧影戀金門翠燭勞光彩銀屏役夢
魂羅衣香未歇猶是漢宮恩

邯鄲才人嫁為廝養卒婦有序

序曰予觀樂府有邯鄲才人嫁為廝養卒
婦特亡其辭亦失其解及考史記張耳傳
洎楚漢春秋并云趙王武臣為燕軍所獲
囚於燕獄先後使者往請輒為燕所殺趙

有廝養卒謝其舍中曰吾將載趙王歸舍
 中人笑之乃走燕壁以利害說燕將燕以
 為然乃歸趙王廝養卒御王以歸武臣歸
 趙以美人妻養卒以報之是其事也予觀
 養卒有戰國策士之風太史公書其事文
 既奇樂府歌其事亦奇矣六朝及唐人擬
 作者皆似眯目道黑白雖吾鄉大白亦迷
 其原昔吾亡友何仲默一日讀焦仲卿妻
 樂府謂予曰古今惟此一篇更無第二篇

眯音米
 簸糠眯

也凡歌辭簡則古此篇愈繁愈古子庶幾
 焉可作一篇與此相對予謝未遑然亦未
 有茲奇事直當之也去今二十年屏居滇
 南無事散帙見此事思與仲卿事適
 類復憶仲默言乃操觚試為之以成此篇
 惜不使仲默見之永昌張愈光亦仲默文
 字友也遂械一通以寄愈光云

團團桂花樹生在邯鄲宮翩翩翡翠鳥結巢丹桂
 叢花紅何灼灼翡翠何雍雍宮中有才人顏色如

點飾一
婦人
曰婦人
面飾黑
子著面
也
褶音集
袴也今
袷衣也
襖臆上
吉
跗音付
戠音戎
其毛可
為布

花紅青雲為雙髻明月為雙瞳十三阿母側十四
深宮中貞心比筠竹榮華如茂松左手抱齊瑟右
手揮吳桐紫綺為綢繆紈素為裁縫獺髓明點點
龍涎薰褶襖楚渠華跗薦燕支唇硃融揚子江心
鏡百鍊照膽銅複帷鎮文犀列錢銜璧缸被綉共
命鳥席坐同心戠晴鈴噠鳳子鷄翹濯鳧翁春襟
燕乙乙曉寢垂蕭蕭芳池七十二寶帳三千重名
用琬琰刻臂用絳紗封昔似河中鳶今從雲中龍
雲龍不可繫河鳶那得從君王好遊獵將軍射飛
鴻青櫻臨大道層城俯雕甍燕兵北方來陣馬如
蟻矇惡氛起廣陌襄國迷旌幢悠悠俄轉轂去去
成飄蓬暮看月出西朝看日出東君王不可見日
月光瞳矓湛盧失吳劍烏號亡楚弓左將名飛虎
右將名飛熊前軍千人俊後軍萬人雄中軍張與
陳耳心餘腹同前使叩燕壁後使躡前蹤去節何
揚揚歸蒐香鞞後車戒前覆咫尺不敢通王宮
懸賞格賞格厚且隆侯印方斗大金帛嵩邱崇不
愛印懸斗不愛金堆嵩宮中有才人顏色如花紅

青雲頭上髻明月眼中瞳十三阿母側十四深宮
中逝將脫薪樵歸來取華容將軍問何人竈下廝
養童軍中駭且異駭異交譏諷爾廝一何蚩爾養
一何憊爾去何當還無吉祇有凶左將名飛虎右
將名飛熊前軍千人俊後軍萬人雄往往不生還
纍纍形影空翻翻虎狼吻嗟嗟么麼虫養卒含笑
言君豈知我衷君亦勿賤賤君亦勿庸庸君亦勿
少少君亦勿窮窮勿以江海流棄捐溝與濑勿以
芝蘭芳棄捐菲與葑勿以椒欝貴棄捐薤與葱君

夏音宗
亦言木
細枝弱
傅曰燕
母之怒
子也雖
折蔓皆
之其惠
存焉
麴音風
筭音鷄
筭音也所
以固髮
者
霧與齊
同目不
明也

道如踐棘我道如折蔓君道如探湯我道如撥麴
我去車搖搖我來鼓鑿鑿朝發趙北際暮望燕南
衝沐露轉磨筭戴斗俚崆峒行行日已夕停舟易
水陰當門報燕將言有趙使臨使者問燕將試言
探臣曾燕將語趙使爾欲得爾王趙使笑不止爾
語賸且霧燕為唇齒國趙為輔車邦張耳與陳餘
饑鷹待勁風交遊如父子逐秦聯翼暇一朝仗馬
箠下趙數十城各有南面志機會不巧逢勢屈武
臣下立王持趙心趙地今已定趙王為燕擒耳餘

易十卷

八十四卷

七

音宗
鳥飛練
翼上下
也
子稱音旁
軼軸所
以支棺

握趙柄武臣受燕籠王歸二人臣王囚二人公肯
迎生王輦惟遂死王軼死王良實願求王但虛名
王鬼化燕氣二人喜無忤內舉全趙勢外折弱燕
鋒問罪始有名仗義不待攻王今兵在頸行見雉
離置臣來吊燕禍不求歸趙功燕將色如土燕王
胃如春乞爾趙王歸急歸在匆匆出門不復顧仰
天荷高穹養卒御王歸喜氣如渴虹前歌揚金鑣
後舞蹈錦幪荆卿羞督亢陳馳慙遷共惠公返曲
沃勾踐復吳淞山川再清朗天地重昭明智靡秦

同胡故
功胡去
聲美容
魏
松音忠
心力也
驚也惜
遂也

樗里勇冠夏逢門銅斗笑刺客玳簪惡談朋三軍
咸嘖嘖衆口交喁喁升為堂上賓永脫竈下烘張
筵列樽俎烹羔宰肥縱纍纍繫印綬瑟瑟穿玲瓏
陽阿七槃舞中山酒千鍾厚賞陳前墀養卒辭未
終宮中有才人顏色如花紅可憐桃李子降作糟
覈供始笑周尾生抱柱流寒淙復咲蘇季子愚婦
不下綬陳餘娶公乘張耳婚外黃持將比才人才
人姣無雙宮粧揚嫫都野態成妖穠殷勤語才人
才人莫心松好去借新郎新郎非蚩氓繁華少佳

露音陰
姓也又
露瞳隱
蔽也

懷音農
懷憂
問意

寶麗色幾歡悰請看古美人命薄恨常濃
驪姬死晉市西施沉吳江黃鵠悲陶嬰
蝴蝶怨韓馮為汭兩皇英南望九疑峯
斑竹淚點點瀟湘波洶洶章華貯巧笑
細腰如黃蜂峽夢啼露猿江眺傷青楓
阿房三十六烈燄驚丰茸娥娥摠薄命
嗚嗚歌懊懷相逢恨靡蕪相思苓芙蓉
爾名播樂府爾芳輝管彤寄謝東隣子
學步休言工

贈沐錦衣

仙山名五華迢迢上烟霞道逢兩仙童
駐鶴問仙

家仙家住仙村木門蒼琅根英英衆公子
楚楚諸王孫舍後有碧梧鳳皇將九雛
鳴聲何啾啾聞我蓬萊壺兄弟八九人
中子執金吾木公酌醴泉金母斟雲腴
填篋吟何曲歷歷種白榆大婦七襄女
中婦重輪姝小婦無名字彷彿秦羅敷
丈人且安坐日出東南隅

月團茶歌

唐人製茶碾未以酥糖為團宋世尤精
入中國其法遂絕予效而為之蓋得其

槍音銷距也稍也又刺木傷盜曰槍濫音零永曲也

跌音乎加跌大坐也

偎音煨愛也皺音親及細起也

似始悟唐人咏茶詩所謂膏油首面所謂佳茗似佳人所謂綠雲輕綰湘娥鬟之句飲啜之餘因作詩紀之并傳好事

膩鼎腥甌芳醕蘭粉槍未旗香杵殘秦女綠鬟雲擾擾斑姬寶扇月團團蘭膏點綴黃金色花乳清冷白玉瀾先春壯苑移根易勺水南瀼別味難

珠履曲

漸臺織女趺東足井氏星經織女東足曰漸臺襪羅不染銀河綠飛下天邊三素雲來舞人間八珉曲白紵繚繞

豐趺光掌中無力踏春陽共命纓纏雙躑躅同心絲綉五文章娟娟輕盈邶鄆步屐跚勃窣漢宮妬香裙漏影蝴蝶飛蘭膏明燭翳宵暉金杯漱灑浮金影玉山摧頽偎玉寢夢裏俄驚月入懷醒時却訝蓮生枕雪皺霜皺起夜來花欹柳弱臨高臺牽牛呼龍種瑤草不遣仙踪印歸道笑殺梁家與石家折腰香塵何足誇

飛燕詠

飛燕元傾國合德更聯芳歌舞平陽第膏沐溫柔

涎與涎
同音前
吊液也
又音甸
光澤貌

鄉涎涎宮中去雙雙天上翔露華百英粉沉水九
迴香李文明襪練石花凝袖粧金釭星列影珠帳
月齊光避風遠條館沃雪浴蘭房香湯不沾體仙
飈空引裳吹簫慶安世持履馮無方嬌愛詎終極
榮華安可常禍水一以浸炎火允不揚莫誦伶玄
傳徒令樊女傷

善哉行

夏夜苦短冬夜苦長日月既逝春華秋霜一解
山川嗟峨懸日孔多豈無車轅淹留匪他二解

絳音律
天繩

獸有朋携鳥有群飛顧瞻中林旦徃夕歸三解
海色東起明星晨墜羨人在遠寢不聊寐四解
同心異鄉意遐思長思來何如彈琴中商五解
附書來鴻翩翩空疾願爾千里勿遇繒緯六解

梅花落

古樂府有梅花落曲唐人諸家作者多矣
皆詠其開不言其落也旅行松次適見梅
花落乃援舊題以成新曲雖有愧綠情庶
不謬體物云耳

落梅復落梅千片復萬片願借鼓芳風吹入披香殿

其二

古梅飄古香新梅綴新粧那枝傳妾恨何樹近君鄉

其三

梅落復梅開流光似流水君心在梅花妾意憐梅子

其四

團思更團情依幌且依楹朝朝粧靨靨日日望卿卿

合歡詠有序

合歡為樹夜合朝開枝葉繁互望若蟠糾風至扶疎了不相牽綴古人所謂青囊蠲

念者也覽晉人楊芳之詩聊繼聲焉

可憐合歡樹生我庭東廂枝枝相糾結葉葉復飄揚烟交疑覆帳風散若分香戢華踐西柳開艷啟東桑周詩驚采綠楚夢感昏黃贈君以蠲忿與妾

同芬芳

峽東曲

白帝到江陵一千二百里欲試一日程
須待春水起布帆一百尺出自三梭織
風順早歸來天際遙相識

七夕曲

此夕知何夕今秋似去秋涼風蕪遠思
併在最高樓

盤江行貴州

可憐盤江河年年瘴癘多青草二三月
綠烟生碧波行人好經過

七盤勞歌

一盤谿谷低仰首愁攀躋蠶崖白雲上
鳥道金天

西

二盤行漸難谷口野風寒石磴愁旋馬
行人各解

鞍

三盤雲霧堆側徑轉迂回前旌止延佇
駿騎莫相

催

齧音咬
齧也

四盤連翠微峰日隱晴輝石齒噬人足樹枝罨人
衣盤盤雲霧對幽巖轉五回前數五更計鷓鴣莫
五盤勢更高俯見樓鳥巢巖巖暫相倚人馬同時
勞盤盤谷外竹首焚攀盤盤白雲土鳥道金天
六盤窮攀緣真似上青天
下瞰已峻絕上望更巍
然盤盤谷外竹首焚攀盤盤白雲土鳥道金天
七盤險棧平眺望倚分明西征通蜀道北望指秦
城
朝天嶺
平報獻多青草二三民
蘇賦上
三

落日半山均掩映栗葉赤行客早知休前溪多虎
跡

將進酒

清醑如濟濁醪如河君子有酒旨且多我當起舞
君當歌歌烏烏舞傞傞舞未終良夜過我首既
濡君顏酡古稱賢達日飲無何人生安樂孰知其
他

將進酒杯行遲主人且勿喧君子有所思堯置中
衢尊文王法酒旗共此融融歡無愆抑抑儀今汝

酡音駝
飲酒朱
顏貌

鷓鴣音兼
比翼鳥

年壽等喬松名與金石期將進酒酒且終樂相樂

樂無窮

張禹山云辭古調高義存鑑
戒與淳于對齊王語相似

鷓鴣歌

紺宇流霜豆房冷華燭蟠煙舞交影中有一人字

鷓鴣飛爵騰觚矧斜領蓮花漏水夜無多莫將金

滴比銀河願為楚女巫巫山之行雨不願作甄妃洛

浦之凌波

楚妃引

金缸銜壁隨珠燭美人如月嬉華屋明星爛爛接

朝霞笑殺蘭膏誇宋玉

宵獵南夢赴長莽火似雲鯢賊雷鼓同車獨共龍

陽君纖腰美人空楚舞

莽叶滿
補切

駮與駮
同莊子
聖人駮
天下
莽切注
上声

太史升菴全集十四卷終

易

四

一

愛音會
人行声
同
韻與響

鞮音鷄
繫馬也
鞮在口
曰鞮

璫音當
充耳之
珠
勉音奇
小兒鬼

裴與裴
同音培
裴長貌

初服憬彼入深林
昱然在空谷
風聽弘景松露採
淵明菊菊露綴明珠
松風韻球王九牧謝兩龔三
間諧二陸何日和雲謠
西池春草綠

行古諺

漢時諺云殺君馬者踏傍兒其言雖小可以喻大衍為一篇感時撫事亦

天馬龍為友來自渥洼池
青絲為之絡黃金為之

鞮圍人新承命剪拂下瑤墀
騎出橫門外茸茸春

草時東城接南陌觀者咸嗟咨
弄臣矜迅足長鞭

終日施汗血忽憔悴筋力盡
駘馳未樹邊隅績徒

為治遊疲始信殺君馬
端身始傍兒

題交甫解珮圖

交甫之楚遊息影依喬木
道逢兩仙姝逍遙漢臯

曲星宿綴明璫雲霞裝
魁服婉孌蕩熒魂花艷驚

凡目目隨鞮塵揚魂與芳
風逐結夢擬陽臺交辭

同阿谷榮華橘是柚貞芳
筍成竹江永不可方微

波春自綠

別陳玉泉

玉人將遠別投贈瓊敷篇
惠而能好我裴徂病榻

嶮音宗
九嶮山
名
濫音地
去也遊
也

邊感此萬里行
蜀月重周旋
秦地四方樞
神臯接
英躔八水忽
橫流九嶮俄
震騫來旬屬
大雅申畫
寄名賢平成
紹禹績玄主
獻堯天參井
與岷嶓星
土元相連應
念滄浪叟好
音濫鴻傳

送張壚山職方還銅梁佳亂

郊扉偃江介
炎天方鬱埃
燕居感離索
蝸廬森萬
萊高人千里
駕空谷定音
來研精既理
窟抽毫更
逸才玄韻紫
房洞清吟文
昌臺同聲起
予和咲口
為君開櫺烏
五兩祭蘭鷓
雙槽催晤語
擬傾蓋永

懷芻酌蠹願言植嘉樹
湛思肆條枚三峨遲屐齒
七襄異瓊瑰

續東坡狂雲妬佳月

狂雲妬佳月
蟬蛸撼大樹
佳月了不真
大樹何曾
拒輕薄
晒王楊羣兒
謗李杜光燄
萬丈長江河
千古注
勿言人可欺
大言終自誤

懷音篇寄張惟信學士張名湖

昆池望漢沼
滇徼視梁岷
音耗兩迢滯
眺聽一傷
神他鄉
非故園
濁水限清塵
悄脰徒佇想
送軀邈

剗音產
削平声
也
鏡音敬
食父獸
也
鷓音喬
雉名
稷音即
又古作
稷字盖
本易日
中則稷

何因有客來天末開絨慰飢渴殷勤訪死生綢繆
申契潤光儀歛若親窮愁暫如撥萬里向炎隅五
載困羈孤山川夢張敏岐踞泣楊朱燭龍屢還舍
胎蚌幾盈虛情隨瘴嵐結菟與迴颺俱憶昔承嘉
會弱植連英蒂明輪仰重離麗澤資雙兌取則斧
睨柯同聲竽混籟曳珮步文昌抽毫逼華盖鳳液
接鷄栖退食競招携黃山上林苑玄灞曲江堤齊
鑣拾瑤草對榻然青藜郢客傳歌妙周郎顧曲迷
傳歌還顧曲權移成別促寧知嚶鳴鸞忽作徘徊

鷓去去背榮宴行行赴嚴督三陟阻且長百罹紛
交屬考槃豈中阿離索異西河螭頭輟彩筆鶴膝
擁瑀戈北道主人少南方還客多碧鷄冠曾嶺赤
虺隣荒景闔荆坐剗跡剪茅旋栖影樵爨分獠烟
桔槔通棘井鼓腹畏含沙延頸愁添癭集鏡咲邊
隙篁竹跳蠻酋挈家竄草莽乘障襍兜鍪乞糧公
山氏貸粟監河侯蓬剗隨樹羽桃梗泛苔漚風霜
瘁筋力蒲柳凋顏色居夷寡鳳嬉求仙拙鷓息衰
白歲不與昏黃日下稷新知詎相聞久要難見君

易計卷

十五卷

四

潁音巽
含水噴
也

皎皎共明月悠悠間白雲棄置勿復道伊誰竟此
云天山蘇子卿遼海崔亭伯缺望洛陽城銷志長
安陌跛鼈羞驥伍委羽非鴻翻下巽饒薄田東臯
餘廣澤還鄉尚有期從君訪黃石

元謀縣歌

遙望元謀縣塚墓何纍纍借問何人墓官尸與吏
骸山川多瘴癘仕宦少生田三月春草青元謀不
可行九月草交頭元謀不可遊嗟爾營營子何為
歛來此九州幸自寬何為此遊盤

書李前渠藩伯公便面

望塵斗以北傾蓋江之陽命駕慰遲暮倚櫻訊行
藏下榻沉疴失擁篲端憂忘玉藻敷溫麗金薤披
琳瑯淪詩綴四始逸籀括三蒼荒經詢夏后汲冢
懷周王賡臯既旦旦聆摯何洋洋維時首朱夏迅
晷改青陽欵言移日稷彥會屬辰良蒲葵聊短詠
木桃愧申章

九月三日見新月

時有悼亡之感

纖纖初生月掛我高樓傍常時照歡影今夕流悲

涪潯角
切音泊
簾也

歛音翁
縮鼻也
又歛氣
也
涿音路
水名國
名州名

颶音灰
相擊也
又喧颶
又吉也
又承掘
地也

光悲光正徘徊悵望相思臺涼露漑溼爽透風
幃開絲垂繞階緝火螢穿箔來更添漏水咽膏臧
缸花催莊休歌不發潘仁心已推商陵別鵠怨梁
樹栖烏哀未抵此時恨長歎獨難裁

恩遣戍滇紀行

商秋涼風發吹我出京華赭衣裹病體紅塵蔽行
車弱姪當門啼恠我不過家行行日已夕扁舟歛
涿沙揚舫天津口回瞻見牛斗風吹紫荊樹月照
青楊柳逐流泝漕何相顧慎風波荒村聚豺虎夾

岬鳴蛟鼉僕夫困牽挽防吏苦嗔呵徐沛洪流溢
滄溟浴白日聚落雞犬空銜鱸羽毛疾暗灘持楫
防洄溜揚帆慄維纜依鸛巢寒蓬邇鮫室乘月下
呂梁侵星過白楊漫岸憬失道孤舟鬱相忘喧颶
見疊浪極眺無連岡陰霞互興沒凍雨倏淋浪溼
薪戒傳火空囊愁絕糧信宿萬籟平隣舟動歡聲
聞鷄共起舞買魚賀燕程夕泊秦淮岸朝逗維揚
城愁聽玉簫曲懶問瓊花名畏途險已出勝地心
猶驚真州對瓜步分岐當去住翹思鏡甕雲悵里

楊子書 十五卷

金陵樹江浮懼濤瀾陸走淹霜露移舩鷺洲來弭
榜龍江隈故人同載酒一醉雨花臺高臺多古今
百慮盈踈襟琴彈別鶴調笛喝飛鴻吟臨風惜南
鷺揆景恨西沉江程始挂席江月照采石招搖西
北明水霧東南碧銅陵夢裡過赭圻望中隔溱陽
見市塵溢浦異潮夕馬口歌獨漉魚山候風宿西
塞漁父磯東陵道士泯估客嘆浮萍放臣悲落木
秋鷺赤岸楓霜謝黃州菊龜山漢陽縣鵠磯遙可
見披襟倚山閣開圖對離宴鮮飈蘋末來餘霞波

盆音盆
名

同
輻與帆

外綯枕底鳴飛湍舩際失江干仙子駐鶴嵩王孫
鬪鴨闌雲開君山出壑歸洞庭寬乾鵲噪危檣連
連一何迅試叩巴峽船果得家鄉信時序感孤懷
風烟集雙鬢江陵初解颿蒼皇理征衫家人從此
別客淚不可緘騰裝首滇路問愁程楚巖楚水縈
沅澧楚岬秀蘭芷古墓識昭邱遺坊號珠履珠坊
青蕪繁昭邱白雲屯傷心楓樹林回首桃花源天
寒行旅少歲晏霜霰煩界亭四十渡羸馬不成步
幽篁詎見天密箐才分路營窟半卉裳人烟盡槃

易十卷 十五卷

吻音虛
日出温
也

蜀音記
白也又
鬢白貌

砥音我
吸峨山
高貌
碌音六
石也
斲音拙
井田兩
陷間道
貝音輩
海介虫
似有文
錦彩

木子老
一五卷
七
瓠戾蟲嘯落景暴客當官戍驅車先發吻投驛遲
暝霧淑浦潞陽連龍標夜郎天遠遊吊屈子長流
悲謫仙我行更迢迢千載同潛然一葉宗安渡千
波竹箭急鬼方昔云遐羅甸今初入陰霾暄疑交
瘴嵐昏曉集長亭此驛遙只尺如棘澁石行蹶昆
蹄沙炊咽蒸粒斷腸盤江河銷魂龍從坡軍堡鳴
笳近蠻營荷戟多三辰晦光彩七旬歷滂沱蜀衣
行風舞蘆笙跳月歌可憐異方樂令人玄鬢皤烟
霜窮瑣旅萑若開芳序迎曉平原來還顧殘山去

喜見青松林却辭黃茅嶼滔滔歲已周望望且夷
猶衣塵何暇拂足繭不能休碧鷄儷金馬滇海昆
池瀉五尺常頻道萬里唐蒙野隋將仆碑川漢相
連營下我行更向西綿力倦攀躋砥碌穿危磴晴
吟控絕谿點蒼明霽雪抱珥飲晴霓蒲塞重關峻
蘭津毒草低枝寒鴉鳥下花煖社鷓迷湖環蜮射
渚斲入象畔畦瑩角髦牛鬪斑文篠馬嘶緬書塗
貝葉燹照燧松梯風景他鄉別天倪吾道拙雲山
已亂心風塵仍結舌出門各自媚失路為誰悅桑

易計卷
十五卷

楊升菴
落豈忘憂危
觸詎申結龍
吼雄劍鳴
驥歌唾壺缺
蒼蒼七星關
幾時却東還
泚泚三峽水
奚啻隔中
沮黃犬代書
郵青龍借歸
舟鷹翼翔
廓猿聲沸
阻修何由一
縮地暫作
錦江遊

出嘉陵江

嘉陵駛且長
千里如投梭
洋洋者綠水
觸石揚白
波逶迤似有
情相送出
褒斜雲氣接
江腦日色破
浪花冥冥下
無極疑是神
龍家
垂藤飲猿
狄滄淪
棲陽阿中有
南行舟遙遙
通三巴
惜哉不可往
巨

駛音使
馬行疾
也

石劇狼牙我欲
鋌安流手中無
莫邪長歌行路
難日莫猶天涯

嶠關行

晨行嶠關道
此道一何難
魯陵高不極
脩坂回鬱
盤季冬十二月
時節正嚴寒
馬蹄踐霜雪
車轍帶
岡巒凌澌正
堅沍河水無
汎瀾通達結
凍溜改徑
陟巘岼四望
少烟火鳥路
俯鴻磐悲風
號古木響
入玄雲端居
人盡塞向行
者為繁跼野
狼嘯昏侶
饑鷹短晚翰
迢迢村郭遠
行行未解鞍
凜凜歲方

晏去去程猶寬勞歌以詠志釋此越鄉嘆

集弘法寺後圃小山

黃鳥語春晚青林生夏陰禪宮靜鍾梵寧知車馬
音率爾成嘉遇晤言良所欽對酒俯樓殿步履陟
邱岑謀野既有獲在遠亦會心懷哉幽寂地茲遊
可重尋擾擾望城闈欲去愧塵襟

於離會作

遙遙事行役落落無安居奉義徂江漢成旅候輶
車密親念睽隔賓筵集華裾流聲何肅穆照夜交

瑛與率爾拜嘉貺何以報相於烟霜易淹留日月
方向除曲湟浮綠藻太液敷丹渠欲嗣北來音托

之西上魚

玉溪云宛
曲有味

西止魚 曲亦未
白斜曲 對新大刻煉丹藥必歸北來音林
從來兩我嘉願同 心群味必賦滿滿

太史升菴全集十六卷

成都楊慎著

從子有仁錄

維揚陳大科校

新都周參元重刊

五言古詩

答程以道

驅馬國西門整駕城南端出宿指賓館飲餞臨河
干中道逢嘉友誰云行路難四海皆兄弟况是平

生歡贈我錦繡段佩之當衿鞶上縷腰與漆下繪
芝與蘭芝蘭芳不歇膠漆情無彈願為雙飛鳥隨

君千里翰

玉溪云可與
十九首並誦

西使將旋卧病移旬

江漢起秋色池塘生夕陰蕭條衆芳歛啁晰候蟲
吟清光徘徊映圓景散空林采芝歌不發鍊藥行
相尋隱囊廢丹帙對幌虛清琴懷哉北望踞愴矣
西飛心端憂與雲結商聲隨風駿晏然山中暮弱
懷良難任

行旅

行旅苦日短勞人知路遙忽忽歲云暮客心中搖
搖曠野饒寒氣四望但寂寥嚴霜下豐草朔風鳴
枯條浮雲起為蓋堅冰結為橋玉溪云下句甚奇
又有上句絕稱
白日隱餘照玄陰晦層霄鳴轂無停輪嘶馬不解
鑣飛鳥夕知還征途何迢迢無以慰苦辛興言自
成謠

過河內作

晨行河內道曠然清客心太行北麓近丹流東逝

深叢芳金碧岸揔翠瑛瑤林蒲梢馮餘馥柿葉垂
繁陰在藻歸樂泳還喬聞好音客行雖云苦對此
一開襟既懷擊壤詠復動滄浪吟古風美樂土茲
情驗於今

感秋

江漢流無極浮雲去靡依類此遠遊子乘障戍邊
圻故鄉三千里山川隔音徽日夕桀括栖涼秋熠
燿飛離索星霜改端憂節序違處者怨不詹行人
歎式微焉得排雲翼遙隨征鴻歸

留別峨眉石李子雜用選句

羨人仙李姿相期拾瑤草詎意旋嵐風吹我千里
道輕舟已迅邁歸信方浩渺所是同心者不得殊
懷抱隔江猶恨遙何況滇雲杪路遠夢魂迷思君
令人老願托上林鴻好音及春早

晨發高峽東邱月渚楊墨池

荒鷄嗥西隣海霞射東壁又携孤劍征去作點蒼
客高峽亦吾廬安寧亦予宅屏居三十年宛如故
鄉陌飛屐頻登臨披衣數晨夕別離今幾時重到

感疇昔兒童已長成
賓從盡衰白
聯榻情綢繆
晤語慰衰瘠
此行擬何為
筋力疲疆場
少城雲思絲
江陽春夢積
一身四處家
浮生百齡迫
請為勞者
歌歌罷轉愁劇

西征夜

寒重旅衾單
嘿對燈花謝
亂山荒壘間
獨客孤眠
夜寂寞與誰同
尋思似夢中
勞勞無止極
去去忘西東
故鄉孟冬別
有約仲冬返
人願天不從
長征日以遠
異縣多相知
樽酒話心期
含悲不能語
淚

為生別滋

五日汎湖

鷄鳴海色動
日出林霏開
紅霞晃金碧
赤帝騎龍來
新晴宜理棹
倘佛遊仙臺
榜歌聲流喝
絲管清且諧
且須醉一斗
以緩腸九回

南甯始發京

秋風蕭蕭發
駟車出郭東
問我今何適
竄身向南
中南中萬餘里
去去與誰同
親交滿京國
只尺難相通
且喜脫幽紮
未暇悲道窮
矯目眇浮雲
但羨

高飛鴻

江陵別內

同泛洞庭波獨上西陵渡孤棹泝寒流天涯歲將暮此際話離情羈心忽自驚佳期在何許別恨轉難平蕭條滇海曲相思隔寒燠蕙風悲搖心茵露愁沾足山高瘴癘多鴻鴈少經過故園千萬里夜夜夢煙蘿

離思行二首

飛蓬無根株飄颻隨風起游子辭家鄉流落在萬

里當歌有苦調對酒無欣喜閉門愁緒集出門多荆杞徬徨安所之斷腸分流水水流何潺潺遠遊幾時還

採蘭引

南望蜻蛉道西眺渠濫川石子何磊磊水流何煎煎山川隔宇縣仰視空雲烟鴻飛遠不到書迹何由傳愁來坐自歎氣結不能言願假黃鵠羽輕舉隨風旋

採蘭引

趙弘道憲副因余之此詩改關名為蘭谷

廣通縣東響水關產蘭綠葉紫莖春華秋
馥蓋楚騷所稱紉佩之蘭也人家盆植如
蒲萱者蓋蘭之別種曰蓀與芷耳時川姜
子見而采之以贈予知九畹之受誣千載
矣一旦而雪作采蘭引

秋風眾草歇叢蘭揚其香綠葉與紫莖猗猗山之
陽結根不當戶無人自芬芳密林交翳翳鳴泉何
湯湯欲采往無跖跼步愁塞裳美人馳自成要予
以昏黃山谷歲復晚脩佩為誰長采芳者何人蓀

芷共升堂徒令楚老惜坐使宣尼傷感此興中懷
絃琴不成章

送陳德潤還茂州二首

鍾鼓寧樂鷄文繡詎飾豨逝隨扶搖何似捨榆
飛勞者恒思息遊者恒思歸達生貴止足君子當
知幾宦途類嬰網稅駕真解徽陽阿可晞髮高崗
堪振衣疊疊時過中戚戚何歔歔相期保耄齒道
遙敬良暉

又

井絡當坤維岷山出其腹神禹生茲鄉石紐何葱
鬱採藥遺古亭讀書留徃谷靈峯隱秘文名山藏
仙籙薤尾翔飄鸞穗書昂立鵠瑞恊宛委圖輝映
峭嶺曲早慕子長遊晚滯周南躅煩君窈窕尋寄
余琳瑯錄

雙節篇為叅戎郭雲屏二母

周南標李蘭衛風詠栢舟淑聞播三族苦節傳十
秋郭門有雙節今古與同儔千金護襁褓九原安
松楸保抱自黃口相依到白頭仍雲繼閹閱將星
紹箕裘天道豈無知世澤楚水流叢桂既森森慈
竹還脩脩令伯陳情表惓惓思報劉聖代倚長城
豈容歸林邱不日絲與綸封章下冕旒我歌雙節
篇石室他年收

寄余懋昭名勛

夙昔夢見君攬衣顛倒裳繫君驂騮馬要我野遊
翔貽我金僊文合誦聲琅琅方舟青衣水共釣鯉
與魴晤言交款款携手何洋洋覺來一何見纍然
在南荒荒雞鳴東隣明月懸西方塞帷成起坐長

嘯達晨光因之萬里風慰言企來章

擬行行重行行

遥遥涉長途悠悠愁我心我心愁未央睽離日以
深山高水無梁寄書多浮沉魚樂在故淵鹿鳴思
長林覺時影與身夢來稠與衾端居遲日月旦暮
如古今孤願人詎知沉憂自難任君子不遐棄懷
我以好音

擬青青河畔草

河水清且漣河上多芳草春風二月時千里交河

道交河漢家營荒莽少人行日暮淒風起黃沙與
雲平雲間有孤鴈附書自鄉縣翩翩欲下來聞弦
却驚散草青鴈北飛草枯鴈南歸鴈飛有歸時征
人無還期

庭中有奇樹

奇樹生南國孤根來遠方佳名誰不愛植近君子
堂春風一披拂花葉何煒煌上有寄生枝亦得沾
恩光桂枝陵寒山梧桐在高岡草木非自獻信羨
非所將

續百一詩十五首

齊庭陳大呂荆國起巫音雪宮繁鍾鼓朝雲進荒
淫韶聲既已遠鳳鳥不復吟中和變貞則哀怨蕩
人心師曠奏清角晉壤飛袂祲曲工知烟戒燦言
成良箴樂象析理亂誰言古猶今

其二

欣飛佩寶劔涉江遇陽侯風濤起連山雙蛟夾行
舟舟人其朽骨壯士故不憂解衣謝行侶拔劍探
靈湫刺蛟同剗蚘怒浪成安流名垂千載譽位取

三珪酬州螭彼越王孫榜歌戲中流

其三

豫讓感知已之死無二心青莽敦友義捐軀酬斷
金煌煌彼二節照曜古與今國士有餘譽參乘無
知音何當續良史鴻筆興幽沉

其四

無恤營襄國詭遇樹崇勳寶符吞中山銅斗揮代
君都邑曜錯繡戈鋌耿長雲天道如環運人事猶
缺分平原生茂草邯鄲起烟氛一為房陵謳淒惻

誰能聞
許由輕九州歸休娛頽頽共伯棄千乘結隱巢首
山漁釣性自適軒冕憂相關澤雉苦樊籠神龍樂
潺湲何事子牟心猶存魏闕間

其六

大禹入裸邦纍然解衣行墨子見荆王錦衣吹玉
笙豈不易性素所重在全生栖栖非余志皦皦非
余情所愧先機者飄然反柴荆被褐懷珠玉何人

知姓名

其七

墨子迴車地朝歌佳麗叢新臺既清洒淇水復春
融鏘如南子佩錦車同衛公隋珠光照日羅衣香
從風招搖過柳市繁華驚變童堦垣望復關桑中
接上宮咄哉贊好德後乘有躡龍

其八

周鼎鑄饕餮有首不見身食人未下咽災害旋相
因禍福互倚伏龍蛇有屈伸何事悠悠子狂真若

楊升菴
十六卷
一
眯塵感彼塞翁言宜用書君紳

其九

鄭國有良賈弦高與奚施西市黍離國東遇虎狼
師烏捷納犒質白璧通款辭乙丙已奪氣殺函成
積尸小邦得干城強敵亦何為

其十

楚女競吳桑兩國遂交兵膏血潤百里寶玉棄連
城蟻穴潰金堤燭火燦山楹毫釐一為跌尋丈忽
已傾由蘖在疆場扞禦非干旌安得起宋就永息
瓜亭爭

其十一

尺木既有節寸玉亦有瑕清醜游濁水玄澤沉星
沙小夫工指摘巧言多誼譁邱蚓嗤蟄龍折楊笑
皇華不遇明哲人終然成嘆嗟

其十二

隙陰審時運瓶冰知天寒行人在萬里道路多險
難放轍愁羊腸方舟畏狂瀾渺渺音問濶迢迢歲
月殫采綠動朝思葛生勞夕嘆願言托宵夢馳景

隨飛翰

其十三

齊后厭佛士甘與鮒鯢居狐咥行哭諫陳斧斲東
問囹圄繫鸞鳳珩璜帶猿狙燕兵一旦至國象成
剥廬達生走奔綏觸子馳亡車遂令爽樂翰為
草莽墟麋鹿游蘇臺不獨傷子胥

其十四

東方本彥士和光在塵喧竊桃朱鳥窻避世金馬
門狎俗猶鷗鳥齊物若鷄鷄虛稱羽人流空擬歲

星魂柱下自異曲滑稽豈同源惟應夏泰初千載

契知言

其十五

葛藟縈膠木兔絲附女蘿夭夭二小草洪蔭仰巨
柯艷邑羨任姒湘渚詠英娥彤管久塵翳妬津生
洛河青史傷人癘黃雲驚女訛緯書黃雲翔駢牛
女訛驚邦驛牛
信可乘良法在金科古律姑婦乘
牛狗部中

東望樓

男子志四方焉能守一邱壯遊輕萬里逸跡凌九

州撫時厭迫隘胡為此淹留越鄉悲南冠騁望登
東樓遙樹小如薺連峯如波沅穹谷無足音遠水
無歸舟跳聽何所見馳目空悠悠海曲歌五噫天
末詠四愁崇山自興惻曠野誰與倚焉得雲螭駕
托乘從霄浮

碧對軒

仲尼從鳳嬉子雲慕鴻飛興托寥天廓跡與名山
依依予事執鞭夙齡脫馮轍考室臨蒼莽開軒面
翠微碧鷄栖靈景彩暈曜烟霏英岳聳升望晴巒

引高晞會心生遠意娛人留清輝玉露綴丹研璧
月流金微息偃忘坐起晤言無是非柱下有遺言
所貴知我希

無雜學樊圃

南中謫居五詠

夙尚邱園心憬彼逍遙樂幸從黑衣行得謝朱絲
縛鋤榛理荒疇薙葺塞長薄抱甕代桔槔樹枳當
籬落春秋蒔韭菘陰陽分藁藿寒瓜織女薦雲實
仙人削紫莧春雨零綠葵晨露泊下箸有常期加
餐無爽諾厭酌賓筵醴寧羨屠門嚼聊為野人謀

母詒君子嘯

辭義井

息壤海脉通幽壑泉華注浚發百尺靈沛澤千人

聚光爛九霞漿羨吸三危露朝綆環村氓夕杓喧

隣孺碧甃自歲蕤銀床謝雕鑄南中饒炎燠北陸

無疑涸漱盪冰齒寒存想玄髮駐蒙莊咲埴蛙羲

象占谷鮒甘芳本易竭澄滌良難遇且從投轄飲

休傷輻冕賦

悠然亭

蕭蕭者東籬我者南山山色無遠近如在咫尺
間茅亭敞瀟洒華門恒反關朝見歸雲駛暮見飛
鳥還飛鳥不可即歸雲不可攀悵我窮荒謫再見
籬菊班列樹何丰茸流泉亦潺湲永日無氛翳地
隙景自閒時枉幽人侶暫解遊子顏清風已千載
餘波及頽頽

太史升菴全集十六卷終

太史升菴全集十七卷

成都楊慎著

從子 有仁錄

維揚陳大科校

新都周參元重刊

五言古詩

擬古

上山采交藤下山逢老翁髮白顏轉少疑是古韓
終此翁何所居乃在深山中左右猿狔穴前後虎

卷十一

古

楊升菴
卷一
一
豹鼓風雲徑路絕人跡那能通問年不肯答長嘯
氣何雄翩然輕舉去策杖如飛鴻

大中丞百川張公招飲靜居寺十四韻

韶序屆仲春遲晷正駘蕩好音流
睨晚時服改織纈英衮枉嘉招
夙駕東闈仗祇園敞靜居香燈護
龍象名言析秋毫陸海披瓊藏稔
歲華黍豐樂郊天絲颺曲水跡非
陳斜川圖可仰披霧吟沈寥謀野
乘閑曠晏祭倚文翁式遏懷葛亮
下走本陳人汎愛容衰恙芟製厠
端旒塵客醉清醖信宿枉仙翰

何以酬台旣杲旭燭覆盆靈籟鳴
塞巷永言詎能殫縷膺大無忘

言將北上述志一首荅蘓從仁恩王子衡廷相

我辭承明直矯志青雲端銷聲絕
車馬卧痾對林巒甘此臯壤怡謝
彼颺霽干晨夕詠鑿井春秋歌伐
檀奔曦豈不疾國火三改鑕遊子
戀所生不獲常懷安微尚何足云
弱質良獨難衡門坐成遠塵冠行
復彈已負濩落性更從樗散官進
阻巖廊議退挹江湖歎曠哉宇宙
內吾道何盤桓

送黃才伯佐用封藩府南渭

泛泛東行舟迢迢南渭流
淪波環楚壤派別引丹邱
竹嶼臨湘烟楓門暎離日
金節斗邊來青翰天上出
分珪剪桐邸鳴珂衣錦鄉
江干旋露蓋海曲卸雲裝
西岸寒芙蓉東周折揚柳
燕喜拜華堂鸞謳獻春酒
握蘭五夜直采蕭三秋期
跂予飢渴想遲爾瓊樹枝

登大慧寺道然臺是日杜鵑鳴于北都

驅馬出城闕置酒臨高臺
高臺見百里坐望西山

隈雲氣何飄飄
仞佛接蒿萊
前有芳樹林
清陰鬱徘徊
飛鳥遺之音
宛轉悽以哀
杜鵑非北羽
誰遣從南來
常恐商飈發
使我脩蘭摧
長歌行路難
感激傷中懷

和余懋忠青衣別後追寄之作

抽簪畫江沙
寫出腸斷詞
遙寄百里人
見君昨夜思
昨夜復今朝
百里又千里
歡遊坐成隔
乖離從此始
乖離渺何許
異國猶鄉土
雲從青衣來
月自蛾眉吐
雲月兩悠悠
光景為君留
因之托宵夢
遠

到海西頭

瓊音篇寄康對山

晨逢南州牧攜手滇之陰言從太白來貽我瓊黃
音題封五雲爛開絨雙鳳吟伊人先鳴者夙齡晏
清襟良史古班馬逸民今尚禽商泛憫宋玉芻委
嗟師金沂東青霞想許西紫芳心戎旅未云返嵇
駕何由尋因聲萬里風調短情方深尚子可禽子
夏二人後漢

逸民唐詩安得山
中信致書移尚禽

贈張愈光詩三首

孔雀生南溟裴回紫蔚林文采既彪炳與世亦殊
音時哉固多觴琮羅忽見尋羽毛琴以儷阿閣迥
且深一彈哀鸞唱再撫孤鷗吟荒塗不可踐為君
愁我心

又

迢迢禹氏山珠璧交晶英二六照梁乘三五連趙
城兩羨必相合誰言容易并朋足傷卞盃按劍嗟
枚生子續艱征賦余和從軍行同心復同患日暮
天末情

天木又

大雅淪千載正聲代以微鷹隼之翰采雉暈無高
 飛有鳥來西極羽群實所稀風穴吸沆瀣天池濯
 毛衣翩翩千仞翔郁郁九苞輝君才文苑鳳隼雉
 焉能希梧枯醴泉渴日暮恒苦饑何時逢天老駕
 言玄扈歸

送終安人王氏葬恩波阡

石流何湔湔湟潦增其波天陰日易晚曠野悲風
 多嚴霜下喬木零雨泫柔柯蕭條我行野傷心悲
 如何中道失嘉耦送此山之阿凜凜歲方宴誰與
 同歎歌君看彼鳥雀各自安其窠

效古

朝遊魏我宮暮墜靖嶮壑面笑背成嘆春華秋已
 落耳餘互侵陵田實相傾奪富貴生不仁榮華有
 銷鑠何如商山翁茹芝詠莫莫冥鴻度遠陵樊籠
 豈栖託

雙魚鋪

峇峇山上亭上有雙魚字田顧望新城欲將雙魚

寄泛泛東水流蘋藻相蒙翳釣竿何孑孑魚尾何
曾麗緘意付歸風日暮江之記

送崇慶白判官

宦蹟標南郡賢勞賦北山分携千里外留滯一年
間梅閣春全隔花宮月幾彎水聲隨露冕塵路損
風顏別路遙岑合離亭二水環永言君子贈懷惠
野人攀共道鶯還近來瞻馬首還

送曾東石

文鳥生岷山來翔十二樓覽德簫韶下長鳴向南

州翩翩慕儔者睠言不可留河梁一相送飄風吹
方舟山川隔光彩嘉會期三秋清商易終曲何以
慰離愁常恐麗澤遠索居多愆在馳心如日月光
彩隨南流脫有歸飛翼因之問阻脩

秋日雜詩二首

秋霖溢城闕后土何時乾周行無軌轍出入阻且
艱長安有一士華門畫長關開徑理蓬蒿荒我蕙
與蘭蕙蘭日將歇蓬蒿不可刪仰首向浮雲慨然
增永嘆

又
羲和運天晷候蟲和歲陰昔為莎鷄羽今為蟋蟀
吟感彼蕭條節動此棲遲心旅人在異鄉相思夢
同衾登臨一以眺但見邱與岑清冷含廣澤悲商
叩遙林結軫還歸來當軒撫鳴琴幽蘭久不奏誰
哉知此音

贈錢少容僉事

之子體英彥弱齡稱國華先名出藝苑發跡翼名家
澄清攬飛轡亨衢有高車儀鳳自覽德神羊本

觸邪當今爽鳩墟千載同其嘉翱翔屬宇縣音塵
非天涯離居欲有贈持此代疏麻勿言吏道迫坐
令爾音遐

送徐用先歸嘉州

客有歸歎嘆言從隱者流高議在青瑣吾道付滄
洲滄洲多故人夙昔諧幽賞嘯歌丹崖邊携手紫
霞上辟津春水生波浪動江城岷嶺秋芳落清音
滿蘭若亦知江湖憂不廢登臨樂迢迢結桂枝望
望阻相思殷勤三歲字惆悵四愁詩伊予慕儔侶

木子著 卷十七
睽離分晤語何時峨眉雲來作人間雨
蘇籀送王舜典知成都

新鮮郎官綬遙分太守符嚴程趨左蜀歸榜過東
吳王壘關雲淨青城嶺月孤乾坤回治象江海接
亨衢露冕仁風播隨車解澤濡漉流通暘壤生色
到寒蕪篔簹窮方貢兜鍪罄國須幾年懷樂職今
日會昭蘇廉范歌當繼王褒頌不諛循良千古事
肯負兩輪朱
和方思道毛塢之什有序

毛塢之什棠陵方子所作也一曰出棘竹
二曰解藤杉三曰竈舩桐四曰榼中鯉升
菴子讀而愛之倚而和之改為冉冉孤生
竹裊裊杉上藤悒悒竈舩桐育育榼中鯉
如其章如其句如其意如其聲

冉冉孤生竹遲此方苞月玉節本璘珣字尹亦旁
達叢棘絲糾纏興言誰剪伐詩人執斧柯君子在
林樾朝看清陰成暮聽商飈發一歌猗蘭榮再占
泰茅拔不有栽培心曲直竟何掘

裊裊杉上藤翳此荒水濱蛇蚓一以結虬龍何申
申清風扇中壤渥露溥高旻竒樹既有華散木亦
有身歲寒異凋謝發生何齊勻匏瓜徒自係持此
嘆迷津誰當貢衢室上與階莫倫

悄悄竈舩桐來自樵人塢微軫不得薦搏櫪亦何
補况復近庖厨宮商委泥土哲匠秉清規知音暮
中古正聲歸雅琴俚耳羞簧鼓中郎不可見虎賁
猶堪取何時期幽尋淶水遊春渚四日林中
育育楹中鯉本是充庖魚戢鱗隱文章駢首相泆

濡豫且下清冷元君夢玄夫品物雖異流共戚亦
通娛但取莊生樂那知子產愚放之悠然逝相忘
於江湖誰言爾為爾自信吾忘吾謝馨香千里同
鄭音送嚴維中北辭鳴鳳池南登歌鳳臺命儔嘯匹侶羽翼臨當
乖舫舩張且歛河水滌復洄靡靡君行邁悠悠予
軫懷離日汀洲下鷺鷥林葉頽分襟一為別懸旌
搖以摧會合良不易臨岐重徘徊圭章多特達清
角少喧飀贈言無他勗聲儀望重来

送郭价甫 三首

洋洋北流水 搖搖南行舟
良友當遠邁 祖帳臨汀洲
歡觴恒易滿 別襟苦難留
形影邈千里 德音誰與酬

又

德音無與酬 悵然興我思
人生非鹿尔 安得免乖離
河洲有芳蘭 采之堪贈貽
猗猗揚馨香 千里同襟期

又

襟期千里同 川塗兩都通
王道方砥平 高衢騁駿雄
東賓問西王 南燕遶北鴻
音塵豈廖廓 端居有長風

送盧師邵名雍

空谷滯足步 石山枉佳招
長風有遠來 送翻懷迥霄
期我于浮城 投我以英瑤
我僕已整駕 我馬亦在鑣
愁霖泥修途 江廣詎通舫
粵子睽昔約 伊人阻今朝
良會虛高言 三遊絕孤標
神襟重悒悒 悵望倚逍遙
佳期曠何許 碧雲生沈寥
願附同聲翼

因寄相思謠

美人 在桂林 貽我金琅玕 高情與逸思 遙下青雲
端相去 萬餘里 黃鵠飛猶難 湘灘何悠悠 衡麓峭
增盤擊汰 泥清泚 振衣凌噴坑 竒觀洞前古 嘉藻
留英翰 壯遊輕路 永遠別 驚年單夢澤 沅澌解鈴
峯零露 溥遵途 返星駕 會闕我雲冠 伊子嬰夙疾
塊然慕朋歡 愧彼桑蓬志 甘此藜藿安 懷書重端
綺佩言芬如 蘭始願愛青華 終期同歲寒 酬德遂

有述展歌情未殫

暑雨新霽觀墨池上放溜

滇中集

伏雨倏 云霽滌雲澹 無霏頽陽散 長足駁霞呈 詭
暉岑青欲近人 空翠驚溼衣 緒風爽烏袷 纖月流
金徽枕疾塵 踰隔門 扃車轍 稀夢榻 南華靜戰勝
西河肥 猶慙桔槔戲 坐貽抱甕議

太史升菴全集十七卷終

太史升菴全集十八卷

成都楊慎著

有仁錄

維揚陳大科校

新都周參元重刊

五言律詩

採藥

危燈

牛簡子紅仍艷長卿翠欲流三花聊永夕一葉莫

鷺秋

暑夕

工跳昭侯蚤翻飛露女蚊青蒲眠不穩白羽揮徒
勤南浦生涼月西郊聚密雲星橋歸思逼力疾坐

宵分

松韶關吊孫松山中丞

京兆推孫寶郇瑕得智瑩才教烽火靜已見謗書
盈夢斷瓊瑰水魂歸貫索城故山聞笛處松壑動

悲聲

閏春廿日夢在金沙寺與劉珥江及三際禪

侶清話覺後因記之并寄珥江

錦水白蘋渚金沙青豆房名僧偕梵志才子共劉

郎覺路花非染靈山草亦香碧雲牽別夢忽寤在

江陽

桐花

甲戌年作追錄于此

曲水惠風輕桐華正吐英枝條引晨露

世說清露晨流新桐

引門巷近清明剪剪寒應盡霏霏雪不驚啄花天

鳳小又見綠陰成

揚州卷

卷八

七

苦熱

溽暑蒸潤土火雲燒遠空
閉戶類螺蚌解衣真保
蟲枕石無涼氣揮扇亦
炎風引脰望西顛金伏
何時終

贈高白坪方伯

稅駕辭薇省披林構草堂
虛舟分雪浪泰宇發天
光芹藻金籬外芝蘭玉
砌旁丹邱何必問此是
白雲鄉

江陽秋熱八月作

四序重開夏

俗言天下三伏

三伏未解威心遲冰雪

節體想菱荷衣靈籟無清
吹嵐光滅翠微閣風與
玄圃羽翼詎能飛

六月八日第四雛生用韻答二韓表弟

適甫述甫

茅舍亦懸弧欣看第四雛
自憐牛舐犢誰謂蚌生
珠娛老堪提抱成人任
魯愚多情二表弟良夜
待傾壺

少字宋公夕飲行亭

涼雨淨絲埃華筵向晚開
踈星臨紫宙新月照烏

臺麗句高難和玄言聽未回詎訓傾蓋意無柰別
旌催

詠繩橋 追錄

度索尋樞國升猱飲狔形俯窺愁淨綠仰睇失空
青雨過苔絙溼風來箒霧腥天將限夷夏何用罪
坤靈

元宵宿北岩開公房

昏醉依蓮社宵談衍葛藤雲僧標指月天女步然
燈桑下經三宿蒲團了一乘何須分垢淨持此問

南能

王母瑤池圖壽李右川母張太安人

乾州永壽人

仙鄉名永壽仙李即蟠桃彩服晨趨瑤池夕晏
高遐齡還再閱恩詔見重褒笙鶴三天下雲中聽
響璫

哭徐用先

子卿還絕漠賈誼返長沙共喜天才定俄驚日已
斜頽峯縈九折逝水繞三巴掛劍應無地飛蓬慘
淚如

西施詠 張禹山云絕似太白

美人出南國名字號西施
驚舞隔烟霧魚驚沉網
絲輕盈羞燕尾窈窕妬蛾眉
一入吳宮去姑蘓麋
鹿時

戊戌除夕贈縈經徐尹

今夕知何夕明朝是歲朝
雪封嵐氣淨雲護嶺天
遙楊柳驚橫吹梅花起
麗譙故人新酒熟儲興款
春宵

辛丑新正

貴竹逢新歲寂寥空館時
泉聲為滴漏原燒作晨
曦野戍擊柝早山衙開印
遲春盤羅鬼菜凍體欲
泯澌

來報豚兒生志喜一首

魚札報堂琅犀兵走阿幢
孤懸金雀幔花燦玉蟲
缸老蚌寧嘲晚明珠訝許
雙歸來梨棗熟笑傲倚
陶窻

寄中麓李伯華

中麓何山隱青邱太岳東
藏書伴宛委問道即崆

峒鷺鶴烟雲駕鳥瞻日月籠相求天路迥惟許谷
神通

秋風引

霜凜銜蘆急秋深懸炭輕鬢篋吹籬響熠燿僚堦
明盧女流黃色班姬擣素聲誰教明月引翻作苦
寒行

星回之夕夢一美丈夫自稱宋玉謂余曰公
獨無詩贈我乎夢中作一首四句覺後續之
文藻三問並幽懷九辯知雲為巫峽賦雪作郢中

詞茅屋還遺址蘭臺異昔時鴻裁誰獵艷室自拾
江蘼

夏雨

微涼生細雨半夜似新秋玉軫琴絲緩金爐香氣
浮簷花濺碎滴地鏡俯清流東閣多閒暇西池好
倡酬

夜次寧郭

風急毳裘輕關河向晚程星從鴉背出月傍馬頭
生雪店懸燈影寒譙送角聲鄉園知日遠夜夜夢

瑶京

下連山

一辭青鎖直長望碧山阿鄉樹雲中出京塵馬上
多釣航依水竹精舍入烟蘿春色催歸興風光待

嘯歌

春夜望月

今夜南樓月中天北望賒星河分宇縣鍾漏隔京
華露砌光含竹春江影泛花留連竭樽蟻潦倒待
城鴉

梓潼道中

小市孤烟起平岡落日斜素林驚夕鳥錦石戴寒
花悵別關河晚憑高眺望賒上亭今夜月流影夢
還家

早發解州

旅宿先鴉起歸心與鴈爭水霜殘臘路花柳上春
城隱士嘲西笑騷人感北征勞生應物理奔走愧
虛名

夕泊江陵

西陵白雪晴南浦綠波生
海燕先春至沙禽恒夜
驚竹房燈下市花舫月中
箏且醉桑郎酒休傷萍
客情

乙酉元旦新添館中喜晴

白日臨元歲玄雲放曉晴
城窺冰壑迥樓射雪峯
明客鯉何時到賓鴻昨夜驚
離心似芳草處處逐
春生

西使後期東尹舜弼

綠蟻離觴困青驪首路淹
江臯邊白日嶽麓近朱

炎別夢春猶隔勞歌夜未
厭刁頭詎可問飛鏡轉

織纖

琉璃河

碧水琉璃淨朱橋牛斗新
風花回曲坼春樹隱平
津清夢繞江記佳遊限洛
濱肯停飛蓋影未洗化
衣塵

孟津二首

檣櫓橫移岸稷臺背枕河
飛甍臨積水懸雷下洪
波蛟避荆飛刺龍驚女
激歌自憐非估客風浪飽

經過

又

河曲風烟古天涯旅望深津樓環日淑碣石帶雲
岑竹箭春添溜蒲帆暝逗陰岷源千萬里何處是

江潯

青橋

閣道盤雲棧郵亭枕水涯猿猱臨客路雞犬隔仙
家風起青邱樹春迷玉洞花王溪云真唐句旅懷今日豁

停幃問褒斜

錦城夕

錦波澄霽色丹櫻生晚輝江光二流暝橋影七星
稀猶明叔度火未息文君機南陌駸駸度東城鐘

漏微

王溪去初唐氣格

九日遂寧縣郭西登高

烟霞萬里開鴻鴈幾行來

王溪云登高自見

江近飛鳥國

山高戲馬臺霜華沾旅服霞影落仙杯坐惜佳良

晚斜春未擬回

王溪云蜀有此景

遊靈泉寺此地有席司諫讀書處感懷興悼一

首泉寺
司諫幽栖地空門歲月深
泉臺埋玉樹靈境闕仙
音逝水興三歎遊山廢
九吟風微何寂寞松栢自
蕭森萬里關山無幾日
來時猶憶舊時心

咸陽望寧澤原西登高

帝里繁華歇神臯歲月多
玉溪云二句用事精到秦城依北

斗渭水象天河頽堞無遺土
鷲川有逝波邱陵沉

霸氣松栢起悲歌
玉溪云千古感激

停驂碣石道

石壕環陝驛澗水帶嶠關
東望封泥谷南連積甲

山秦輪無隻返趙壁有雙還
陳跡虛無裏荒亮蔓

艸間
馬山云用事似玉楊

層臺驛

陡坡千百磴破店兩三家
濕竈薪無焰燒田飯有
沙瘦兵宵泣血猛虎晝磨牙
行路難如此羈愁一倍加

箐口關

箐口關何險山頭路更賒
凌兢磨旋蟻屈曲陣蟠

歸鴉
蛇官舍惟孤舍人家無一家客心何處切又照閃

觀刈稻紀諺 二首

平章門外路散策喜涼天雨漲青蛙水秋成白鶴
田林塘聞牧笛墟里起炊烟欲問滄洲趣滄洲趣
不傳

又

田父邀予說秋成此歲多草頭占月暈米價問天
河樂土寧無咏豐年亦有歌惟愁軍餉急松茂正

千戈

雲隱林中

燕坐洗塵顏風林久未還衆流爭漱浦群瀨欲壘
山鳴蜚楊陰靜飛緇檜影閒晚來空翠濕似覺雨
斑斑

宿龍宇寺

二妙此招携雙林狎道棲禪僧香霧窟樵子青雲
梯寶樹飈埃淨曇花色相迷有為應咲法詩句續
燈題

送張惟信冊封唐邸因歸省母

鳴玉遙持節分珪重剪桐
驂騑開蜀道懿粹來唐
風稅駕雲山外迴舡月峽東
還將南陝什一奏北
堂中

高峽臥疾喜簡西嶼至自滇城

隔戶聞來屐移燈坐對床
澄心披樂靄點鬢訝吳
霜便欲開棋局還思減藥囊
天涯故人少且願駐
飛航

永寧諸賢送至魚鳧關

遠送魚鳧外離情柰若何
今晨岐路泣昨夜燭房
歌西上滇雲影東流蘭水波
生還如有日相伴老
漁簑

寒夕七十行戌稿

東西垂老別前後苦寒行旅
鬢年年禿羈魂夜夜
驚春鉏曾內貯石關口中生
讀書有今日曷不早
躬耕

畢節簡蔡席二廣文

鷄衣裹凍身荒館夜難晨
冷榻誰相伴寒爐獨可

親途窮千慮失天遠四愁新夢裏兒童戲醒來倍
愴神

瓦店灣塗峻嶺

古木千章合飛翼六出齊馬行冰上滑人向霧中
迷屐齒穿空石昆蹄陷弱泥幾時辭梗泛垂釣隱
桃溪

再會東晦癸卯歲

南來復北去暫會又離群投館日卓午緩程春正
分楊園花勝雪雉堞粉如雲白首猶行役勞勞愧

隱君

三會東晦

金醴醉連宵瓊枝別此朝折梅臨堠館結桂倚河
橋燕笑風前斷驪歌雲外飄青山有明月愁影轉
蕭蕭

臘八日與墨池野酌遲邱月渚

散步謫仙橋嚴寒酒易消雲容將變朔風信已鳴
條只為朋從好渾忘旅寓遙清吟遲月渚剪燭永
今宵

